

SINULO YA JESU KRESTE



Ni itumezi, hahulu luli, Muzwale Neville.

Mwakona kuina.

2 Na lumela ne kuizwe nako yeñwi, kuli, “Ne ni tabile ha ba ni bulelela kuli, ‘Ha lu ye mwa ndu ya Mulena.’”

3 Cwale, lu swabile kuli haluna sibaka sesituna, kamba sibaka sa kuina, ku ba baliteni kaufela, mi mwendi lu ka ata mwa sunda yetatama, bakeñisa sicaba sesi taha, ku to teezeza mikopano.

4 Kono libaka la nako yende ye neli kuli lukone ku . . . Fa pilu yaka Moya o Kenile na beile temuso ye, yakuli, “Keleke mwa lizazi le ilukela kuba ni Liñusa.” Kakuli, Ni lumela kuli ki ona Mañusa a swanela hande a Bibebe, kakuli li patulula Kreste mwa Keleke ya Hae ka nako ye.

5 Mi, hakuna yakona kuba ni tumelo kamba yakona kuziba sa sweli kuezza, kamba uya kai, konji haiba una ni sika, sesiñwi fa kutoma mihupulo ya hae ni tumelo fateni. Kabakaleo, haiba Mañolo a patuluzi Kreste ku luna mwa mazazi a mafelelezo aa, mi ni buino bwa nako, li ka lu tusa luli kwa—kwa ku Li tatuba ni kubona fo lu yemi.

6 Cwale, lu—lu swabile kuli keleke ya luna ha ki yetuna, zazi leliñwi lu sepa kuba ni yona.

7 Mi mazazi amane amafelelezo aa, sihulu, kubala lika ze kuya kwa makalelo a kalulo ya—ya Buka ya Sinulo, Ni keni mwa lika ze kaufela ze Ni si ka lemuha kale kuli liezahalile. Mi li tisizwe kuna ka—ka maikuto ani, kasumulaho wa *Masika Asupile a Keleke* ao, Ni fitile kale mwa lika zeo, Ni tabela kuba ni mundandwe wa kutazo ye ka “za—za Keleke ya niti ni keleke ya buhata,” hamoho, mi ka kufita fela mwa litaba za kale ni Mañolo. Sina nako yeñwi ha ne Ni lika, fa kutazo, kunga “Kota ya niti ni kota ya buhata,” ze fumaneha mwa Bibebe. Mi ki luna ba . . .

8 Lu ka lika kunga lipula zeñwi, ha Ni sweli kunahana ka sicaba mo si ka inela. Mi lu ka ba ni, kulika kuleka zeo, lipula zeñata nyana, ka kulika kutaza libaka kwa mulaho kwanu, ni fande, ni zeñwi zeñata, kuli lukone kukwana sicaba se siñata nyana mwa lisebelezo.

9 Cwale, ku se, Ni ka kupa mutu ni mutu wa mina babana ni tokomelo kwa lika zee, muka—muka taha ka nako kaufela yelukaba ni ku—ku Li tatulula hande. Mi ha Ni na ku kalisa, kamba Ni nahanile na kasibili . . . [Hakuna manzwi fa tepu—Mu.] . . . kukalisa ku . . . [Hakuna manzwi fa tepu.] . . . yona Buka yetuna ya Sinulo ye . . . [Hakuna manzwi fa tepu.] . . . Masika a Likeleke Zesupa. Kono Ni iitingile fela ku Mulimu, kuli—kuli a sinule kuna hanze Ni taha ku yona cwalo.

¹⁰ Litaba za kale za nama, i li ze . . . zwile kwa baituti ba litaba za kale baba zibahala hahulu be Ni ziba. Ni beile mwa sibaka saka sa kubalela, ona fa, mwendi ka lingambolo ze ketalizoho kamba ze silezi, za Hislop's *Two Babylons*, *Foxe's Book Of The Martyrs*, ni libuka zeñwi zetuna; sina yani ya ba Pre-Nicene Council, mwendi ki libuka zene ka zona zeo, libata kueza makepe a mianda yemine ku yeñwi ni yeñwi ya libuka zani. Mi kwani ba Nicene Council, ni litaba za kale kaufela ze lukona. Kakuli, mwa mulaho wa se, kuzwa fa tepu ya magesi, lu ka ñola ngambolo ka za Masika a Likeleke Zesupa, kuli lu lumele kwa lifasi kaufela, ze lukona, kakuli lu kwa mazazi a maungulo. Lu kwa nako ya maungulo.

¹¹ Ne li si ka kena hahulu mwa pilu yaka konji—konji ka liketisa la mafelelezo zefelile, mi cwale Na bona kone lu inzi. Mi Moya o Kenile wa kala kupatulula ku na, kuli—kuli ni lemuse sicaba, ni kutoma se. Mi ha Ni koni kueza zeo mwa—mwa keleke sina ye, ka kulikana. Mi haiba Ni ina fela fafasi ni kuñola buka . . . Ni iikutwa kuli haiba Nitaha kwa katala, mi ni susumezo ya Moya o Kenile mwahala Bakreste ya taha ku na, ku to ni tusa, kona kuli ne Ni kaba ya swanela kuli niñole buka kanti, kasamulaho Ni li zwisa mwa tepu, kakuli mwani kona moluka zwisa susumezo yatani. Kwa libuka, eeni sha, lu ka tatulula lika hande, kakuli, mwahali mo, lu beyanga lika ze lu sa koni kuñola mwa buka. Mi kipeto lwa . . . Mi kipeto lunga nako yetuna hahulu lunze lu kutakutela za luna fela, kamba Nili kina yaezanga cwalo. Mi he, mwa buka, zeo kaufela li ka tatululwa hande. Kono lu ka lika kuba ni yona kaufela, kuya ka mo lu konela, fa matepu.

¹² Cwale, matepu, busihu ni busihu, lubuka ni zeñwi cwalo, bashimani ba ka ba ni yona fande a muyaho fela fani.

¹³ Cwale, hakulata Ha ni koni kukwanisanga kuli busihu ni busihu, sina mo lu itweselize mutiyo wo wa kulika kwa kanya ya Mulimu, ku—ku kutisa Mañusa a masika a likeleke zesupa, kamba Masika a Likeleke Zesupa, mwa masihu a sebene; ka kunga busihu ni busihu, mwa lusika. Inge, la Mubulo busihu, Efese; la Bubeli busihu, Smirna; la Bulalu busihu, Pergamosi; la Bune busihu, Tiyatira; la Bufaifi busihu, Sardisi; mi la Pelekelo busihu, Filadelfia; ni la Sunda kakusasana ni la Sunda busihu, ya Laodesia, ili keleke mo lupila cwale. Kufa makalelo a keleke ya pili, mi ni—mi ni bañoli hamoho cwalo ni ba litaba za kale, ni mangeloi a lusika lwateni, mi—mi ni mañusa, ni muzamao wa keleke, kuya ka mo izamaezi kushetumuka kuto punya kwa nako ya cwale.

¹⁴ Mi kwa tabisa kubona kuli kaufela ze bulezwi za Mañolo ao kaufela litamahana ni kwa litaba za kale, ona cwalo fela, kulatelela muhupulo wa zona. Mane ne li ni komokisize hahulu, kufitela, maabani, Ne ni li balile kufitela ni utwa kuli meto aka na luluha. Mi Na zwela fande Na bulelela musala ka kuli, “Ne ni

si ka lola kuli mane ne li kaba ka nzila yani.” Mwabona? Mo ne li bezi bunde!

15 Mi cwale, fokuñwi, Ha ni koni kuli kwanisa kaufela mwa busihu bulibuñwi, kwa keleke, ki liñusa kwa keleke. Mi haiba Ni palelwa kuli feza, busihu, kona kuli ki habusa ka teni kiloko. Li ka zibahaliswanga busihu ni busihu, ku baba tabela ku to teezeza kaufela ze sitezi, kakuli lu ka, lika, ku li beya fa tepu. Ni kaba ni lisebelezo ka nako yeo kuzwa ka teni kiloko, ya kakusasana, kuisa kwa musihali, mwa nako ya musihali, ka kulika ku ba ni yona, liñusa le li ka sialela, kakuli bakona ku li utwela fa tepu. Isiñi . . .

16 Lu zibahalisize kuli hakuna kuba lisebelezo za foliso kaufela, kakuli lu lika kuba mwatasa pulelo ya sipolofita sa Bibe. Mi, neluna ni sebelezo ya foliso nako nyana yefitile kwanu. Mi kasumulaho wa lisebelezo ze li fela, kona lu kaba ni lisebelezo za foliso hape kwa sibaka sa kwa mulaho.

17 Kono cwale Ni—Ni bata ku zibahalisa taba ye hande luli, kuli mañi ni mañi akone kuhupula, zeo cwale, mwahali mo, lakona kusehaka ni kuhoha, ni ku lufa nyungano yetuna. Kono Nina ni musebezi, isi wa—wa kutokwa sika kono wa ku kutaza Linzwi. Zeo, zeo ki zona kipeto. Fela—fela ki kuswalelela hande kwa Linzwi. Mi linako zeñata kwa kona kuba, mwahala masika a likeleke aa, likona ku bonisa lika za kopano ya mutu cwalo. Mi haiba li eza cwalo, ha ki ku nyemisa. Ki—ki mukwa wa kutomahanya fela Mañolo sa bulezi, mi ni sinulo Ina ni Sona. Mi haiba mu nahana kuli Na fosa ku zona, kipeto musike mwa ni nyemela ka zeo, mu ni lapelele fela kuli Muliu ani bonise ze lukile, kakuli Nina ni bata kuba ya lukile.

18 Mi hape nto yeñwi, ka kulemuha kuli musebezi o Ni nani, mwa—mwa mukopano oswana sina wo, wa kuluta sicaba, kuli Moya o Kenile uka ni atula ka manzwi o Ni bulela fa katala fa. Kona kuli mwa bona mo lu atumelela nto ye ka likute. Cwale, za . . .

19 Ne ni kaba ni taba ye kusili fela. Kono, kakuba kuli ki tuto, kona kuli mwa . . . Kwande mwa lisebelezo za bulumiwa, mutu ni mutu wa luna una ni mulelo kamba—kamba temuho, kamba ufitile mwa lusika, mi luna ni likeleke za luna, ni seo likeleke za luna li lu lutile, ni se lu lumela. Luna . . . Ha ni tabeli kuya kwa keleke ya mutu, kamba mwahala sicaba se si cwalo, ni kubulela nto ye shutana ku se ba lutilwe batu bao. Kakuli, kasumulaho wa zeo kaufela, Ni likile kubulela litaba zaka kuli . . .

20 Haiba mutu ki wa Katolika, mi ki ya itingile fa Keleke ya Katolika kwa puluso ya hae, u latehile. Haiba ki wa Baptist, mi uitingile fa Keleke ya Baptist u latehile. Kamba ki wa Pentekota, haitinga fa Keleke ya Pentekota kuli imupilise, u latehile. Kono . . . Keleke ifi kaufela! Kono haiba mutu yo uitingile hande fa tumelo ya kulumela mwa musebezi o felile kale wa Kreste fa

Kalvari, u pilisizwe, Hanina taba kamba ki wa keleke ifi. Kakuli, “Mu piliswa ka tumelo, mi ni ka sishemo.”

²¹ Cwale, linako zeñwi, ka kueza cwalo, kona kuli Ni ka nahana kuli, mwa muyaho o likani waka wo kwanu o lukalile lilimo zeñata kwa mulaho, ki libunda fela la mandobu akale ni lika zeñwi, kono ki sibaka sa kukena hahulu ku luna. Lu si toile, ha lu lati fela kusibona ha si cinca, mwa nzila yeñwi, kakuli mo kona Mulimu mwa na kalezi ku kopana ni luna pili, mane inge lusika lila kale mwateni ka samende fafasi. Kono si—si fitile fa mayemo a kuli seli gauda, mi lu mwa tukiso ya muyaho—muyaho kwanu, kuli keleke ye itale ya masitina kwanu.

²² Cwale, kufitela nako yeo, Ni ikutwa kuli ha Ni zwa mwa simu, ko Ni si ke na holofaza mizwale mi, kamba, mañusa ni zeñwi cwalo, kona kuli li ni fa tukelo ya kutatulula mulelo waka, kuzwa—kuzwa ka . . . ka mukwa wa fa katala fa. Mi kacwalo haiba mu ka li, “Ni lutilwe ka mukwa o shutana nyana,” Ni kona kuba . . . Mi he, ku se, lu mema fela mutu kaufela ya tabela kutaha. Mwabona? Hakuna mutu ya lu tusa, kamba sika kaufela. Ki tabernakele kwanu. Mi mutu kaufela ya tabela kutaha, u amuhezwi wakota kutaha. Amu tahe fela. Kacwalo Ni mi mema kuli mutahe ni Bible ya mina, puteho kaufela, mi mu tahange ni potoloto ni pampili.

²³ Mi cwale, ka lingambolo ni lika zeñwi kaufela, Hani sika kona kutaha ni libuka kaufela. Kacwalo Ni li ñozi fela, ku li ñola fela cwalo, nako ni nako, fa pampili fa, litaba nyana ze zwa kwa litaba za kale ni lingambolo, ni zeñwi cwalo, kuli Ni kone ku li bala fela fa—fa litaba zaka faa, mwa sibaka sa kuba ni buka ni kuapula mwa makepe. Konohe, ha li taha ku za Mañolo, lu ka itusisa Bible. Mi cwale mwa lingambolo, Ni ka tatulula; kamba litaba za kale, yana li bulezi wa litaba za kale, ni zeñwi cwalo. Mi cwale mwa . . . Kakuli, buka ye taha yeo, kupalañi, kipeto lu ka li tamahanya hande hamoho ka nako yeo, mi lukaba ni lika kaufela hande mo ne liezahalezi hande.

²⁴ Cwale, lu ka eza lika kaufela ze lukona kuli lukale kapili mo ku konahalela kaufela. Ikaba mazazi a ketalizoho ka amalalu, mikopano yateni, la Sunda kuyopunya la Sunda.

²⁵ Kakusasana wo Ni kala ka kauhanyo ya 1 mwa Sinulo, ya Buka ya Sinulo. Mi Sinulo iabilwe mwa likalulo zetaalu. Mi likauhanyo zapili zetaalu kona ze lu ka talimana ni zona mwa mazazi a ketalizoho ka amalalu ao. Mi, lusika lwa keleke ilimu lukona ku lu tanda kweli mutumbi. Kono luka nguba fela fa libaka ze butokwa, sina mo lu li bizeza. Mi cwale ha mu kaba ni buka, ika ñolwa hande, butungi luli.

²⁶ Cwale, Sinulo, likauhanyo zapili zetaalu, li talimana ni Keleke, kuzwa fo Keleke ya lateha. Ha lu sa I bona konji kwa nako ya mafelelezo. Kuzwa mwa Sinulo 1 kuisa 3, ki litaba za Keleke; Sinulo 4 kuisa 19, ki Isilaele, ki naha; mi 19 kuisa 22,

ki zepeli, hamoho. Ni likoto ni litemuso, ni zeñwi cwalo, kwa mafelelezo! Itomilwe mwa likalulo zetaalu. Mwabona? Mi lunga likauhanyo zapili zetaalu, ze supa kwa Keleke, ni lusika lwa keleke ye lupila ku yona.

²⁷ Cwale, pili, ibonahala kuli iomile kakuli luna ni kukuta kwa mulaho ku yo toma mutomo. Ni lapezi ni kubala katata, mi ni ezize kaufela ze Ni konile kueza, ka kulika ku—ku ba ni maikuto a Moya o Kenile, nzila ya kutoma sika se ka yona, kuli sicaba si ka si bona, ni kuli mukone kuziba, ka kubona lika, kuli mube baba boniselizwe liseli ni kutaha fakaufi ni Kreste, kakuli lu kwa nako ya maungulo.

²⁸ Mi ki nto yende hahulu, sina ha Ni bile ni bala mwahala litaba za kale, ka kufumana keleke yani mo ne ikalezi, ni mo ne ihulezi, ni sene si ezahalile, ni kubona Peu ya Mulimu yenyinyani yani haizamaile mwahala lusika ku ona ani; kuzwela fande kaufela, bukaufi cwalo, mwa sibaka silisiñwi.

²⁹ Cwale, kamuso busihu, luka kalisa, ni kuba ni—kuba ni—ni siswaniso fa; isiñi siswaniso, kono limati lelinsu, fo Ni bata kuluta ka sona fa limati lelinsu. Ni lumela kuli muluti wa sikolo sa la Sunda, leliñwi la ona, una ni limati le linsu. Na si bona kwa mulaho. Ni kaba ni mulibeleli wa fa munyako kuli anife sona, mu sibeye kwanu kwa pata, kuli Ni lute ka kuitusisa limati lelinsu leo, ni ku li ñola kuli mukone kuikolwisisa. Mi mwakona ku li swanisa fa mapampili a mina, ni zeñwi cwalo, ni kuba ni zona bukaufi luli mo lukona kubela ni zona.

³⁰ Kono Ni bata kubulela cwana lu si ka kalisa kale: Kuli lubone makalelo a lusika lwa keleke, ni kubona mo baapositola, lituto, ni lika ze ne ba luta, ni milao ya Bibe; mi ni kubona keleke yani, ka za baapositola ka nako ya bubeli, mo li kalezi kufela, za niti, tuto ya niti; ka mukwa wa bulalu, halinze li ya kwa hule hule; ka muzamao wa bune, ne li felezi mwa—mwa kuenya fela, keleke yapepa keleke ye enya fela.

³¹ Mi hape ni Keleke yetezi Moya! Yeo, Ni bulela se ka likute la Bumulimu kwa bulapeli bwa mutu kaufela. Kuzwa kwa simuluhu, kuto fita ni nako ye, Keleke yaniti, luli ibile Keleke ya pentekota. Ki ya niti. Mulimu u bukelelize Keleke ye.

³² Mi Na komoka kamita, fani Jesu ha na bulezi manzwi, a kuli, “Musi sabi, mina mutapi o likani, ki tato ya Ndata mina ya kumifa mubuso.” Ne ni nze ni komokanga kamita kuli sani ne si talusa sikamañi, kono Na si utwisisa cwale.

³³ Sunda yefelile neluna ni mukopano kwa Shreveport, Louisiana, mukopano omutuna hahulu wa za moya o Ni kile naba ku ona, mwa bupilo bwaka. Shreveport!

³⁴ Ne nili . . . Neni na ni mazazi a likani a pumulo, mi Naya kwa Kentucky ni Muzwale Wood kwanu, alimuñwi wa madikoni ba keleke, kamba wa ba sepahali, nitaluse, lwa yo zuma. Ne luile mwa mushitu.

35 Ne ni kunupile kamale ka makalelo. Mi se Nili, “Ni ka libelela feela,” kakuli kuna ni ya sweli kutaha ni linja. Mi se Nili, “Ni ka libelela fela kufitela tumale tuzwa mwa misima. Twa matela kwa likota, mwa misima, mi tuipatile cwale.” Se nili “Ha tu zwela fande. . . Ni ka ina fa mi ni libelele.” Kakuli, kwa bata luli mi kuna ni mbundu, mi mazebe nasweli kucisa. Mi, mwa ziba, ki—ki moya fela osweli kukasha kuzwa mwa miandala. Se nili, “Ni ka libelela fela kufitela tumale tuzwela fande.”

36 Ne ni si ka nga nako yetelele se ni iina fafasi, mi Moya o Kenile wa li, “Yema, mi uye mwa sibaka so biza kuli ‘mwandala wa muzumi.’ Kwateñi Ni ka ambola ni wena.”

37 Mi Na ya mwa sibaka se ne Ni beile libizo la kuli “mwandala wa muzumi.” Kakuli, libaka lene Ni beyezi mabizo miandala yani, na kasibili, neli kuli Ni zibe fo Ni inzi. “Mwandala wa muzumi,” neli kakuli nebana ni. . . Ne ni ile kwani mi na bona tumale to tu lishumi ka totusilezi fa kota iliñwi; na kunupa tone ni tokwa fela, na siya totuñwi kwateni, mi na ikela kusili. Mi koo kona kuzuma, kona nto ya kueza. Kacwalo he Na si biza kuli, “mwandala wa muzumi.”

38 Mi A ni bulelela kuya kwa, “Sibaka so biza kuli ‘mwandala wa muzumi.’” Isiñi kuli ki Yena yana beile libizo leo, kono ki Na yana beile libizo leo.

39 Mi ki ha Ni ya kwa toho ya mwandala wani mi na yo ina fafasi mwatasi a kota yesweu ya oke, ni kulibelela mwendi licika la hola, mi hakuna sene si ezahalile. Na ina fafasi mwa mubu, na kubama mwa mubu, na yemiseza mazoho mwa halimu. Mi A bulela ku na.

40 Mi A si no bulela, Manzwi a Na patuluzi ku na, ona fa Liñoło leli swana le lu talima kakusasana cwana, Ne ni si ka li bona kale fateni, mwa bupilo bwaka kaufela.

41 Mi cwale ha Ni yo fita kwa Shreveport, Louisiana, musali ya na ni mpo, libizo la hae ki Musala bo Shrader. . .

42 Lilimo zeñata kwa mulaho, fani Lingeloi la Mulena ha li ni katanyeza kwanu kwa nuka, ka nako yapili, mi la bonahala mwa Liseli lani, mi ni Manzwi a Na bulezi kwani; lilimo ze ilebene kasamulaho, hane Ni kena mwa mukopano, musali wa mwanana yo ayema mi abulela ka malimi ni kutoloka. Neli kuzamaelela linzwi ka linzwi ni sene li bulezi Lingeloi.

43 Mi yena musali yo, ha Ni kena mwa tabernakele kwa. . . kamba mwa sibaka kwa Shreveport sene luli ku sona, mwa Life Tabernacle, Moya o Kenile wa taha ku musali mi wa bulela linzwi ka linzwi ona cwalo sa Na ni bulelezi fa lilundu lani. Mi cwale Moya wa kala kuzamaya ni kufa toloko, kubulela lika ze ka ezahala kwapili ka sinulo, ka sipolofita, ili lika ze ne ka ezahala mwa mukopano ka busihu bo ne bu tatama, mi hakuna nihaiba nako iliñwi fo likile la palelwa.

44 Kusikaba kale zeo, musali yomuñwi a yema mwa mukopano, neli musali wa Baptist na tile kwani asa zibi za na eza. Mi a yema mwahala mukopano mi Moya o Kenile wa mu kena, mi akala kubulela ka malimi, musali wa Baptist yana zwa kwa keleke ya First Baptist Church mwa Shreveport. Mi na sa zibi za na ezize. Mi cwale, asika bulela kale sika kaufela, Moya o Kenile wa fa toloko ya zona, wali, “KISONA SA BULELA MULENA, ‘Mwahala likweli zetaalu, ku kaba Moya wa Mushe, Elia, ni Kreste, oka kutaza mwa tabernakele mo.’” Kwani za ezahala, ka kupetahala fela hande.

45 Muuna wa Baptist yazwa kwa Meridian, Mississippi, akala kubeya lizoho la hae fa furiji ya hae, kuli a zwise sika mwa furiji, mi Moya wa Mulimu wa mu tahela. Mi a bulela mwa malimi, a sa zibi za na eza. Mi asika ba kale. . . ni kutwisiso ya za na eza, Moya o Kenile wa bulela hape mi wali, “Zamaya kwa Shreveport, Louisiana. Mutanga ka uka ku bulelela za kueza.”

46 Mi sa ya kwani, ali, “Ha ni utwisiso nto ye; ne li si ka ezahala kale.” Oh, mawi!

Lu pila mwa mazazi a maungulo ku si kaba kale ni Kutaha kwa Mulena.

47 Keleke yenyinyani yani ibile mwa bunyinyani kamita, ya Pentekota. Ha ni talusi kopano ya ba Pentekota. Ha ni talusi cwalo. Kono, ki sicaba se si na ni kutwisiso ya pentekota! Pentekota ha ki kopano. Pentekota ki kutwisiso ye ya ku mutu kaufela ya lata. Katolika, Mujuda, Proselyte, Methodist, Baptist, “Yo kaufela ya lata, a tahe.” Ki kutwisiso yeo mutu anosi. . . Mulimu ha talimanangi ni kopano, kamba mane kuli Atalimane ni Bamacaba ka kuba—kuba lusika kamba sicaba. U talimana ni mutu ka buyena, “Kaufela ya lata.” Habe yo musweu, yomunsu, wa yelo, yo mufubelu; wa Methodist, Baptist, Muipanguli, Katolika, kaufela sa li sona, “Ha tahe,” ibe mañi kaufela. Ni tabile hahulu U li ezize ka nzila yeo. Ni . . .

48 Inge mulikani yakile abulela nako yeñwi kuli, “Ni ka tabela kuli A bulele cwalo kufita ku ni punda fa libizo, ‘Aku tahe William Branham,’ kakuli kwakona kuba mwendi bo William Branham babañata. Kono ha Na bulezi kuli, ‘Yo kaufela,’ Ni ziba kuli seo sa ni kwahela ni na.”

Kona kuli cwalo kona mo lukona kuikutwela, “Yo kaufela ya lata, ha tahe.”

49 Cwale, Ni ziba kuli kuna ni batu babañata baba libelezi kwande kwani mwa lihotela ni mwa ma motela, baba zwile kwa lifasi kaufela. Mwabona? Kuna ni sicaba mwahali mo baba zwa kwa Ireland ni libaka zeshutana, baba libelela kuketiwa kwa. Kono Hanikoni ku lemuha zeo ona fa. Ni bata kufa nako yaka ku se, mu utwisiso.

50 Ha Ni ka kuta mwa misipili ye, Ni ka kuta ku to ba ni—ku to ba ni mutu yaka mo kutaza, kakuli uka buluka tumelelano. Kono ka nako ye pili luna ni ku ba lumeleza kuya bakeñisa nti Ye.

51 Cwale, nto iliñwi fela lu si ka kalisa kale za Buka ye. Kwa makalelo a Keleke ya Pentekota. Keleke ya Pentekota yani ne izamaya hande mwa mata a Moya mi ya ñola Buka ya Likezo. Ka nako ya bubeli, ya kala ku nyana, keleke yaba ya sihalihali. Lusika lwa keleke ya bubeli, neli fela ye batelwa fela, kono haili Peu nyana ya Pentekota yani yazwelapili kutaha, ili ya moya. Mi se ikena mwa sibaka sa masika a lififi, kulika ni myaha ye eza mianda ye lishumi ni yemine ni yeñwi fahalimu, ya nyandiso ya lififi. Ona lusika nyana lwa Pentekota lwani ne lu zwezi pili kupila ka zona. Mo ne ipilela, musike mwa ni buza. Neli lizoho la Mulimu, kona fela nto inosi ye ne ka eza zeo.

52 Kakuli, ne ba li kashelize mwatasi, kuli natela fa misumo. Mi baanga baana ni ku ba fetula kuba—kuba lisina fela, mi baanga misumo ya likota ba kenya mwateni mahutu a bona, mi ba lumeleza folofolo, linja, inge li ba ca kwa mwa mikokoto, ku labulela mala a bona fande, mane ba si ka shwa kale. Ba nga basali, kupuma kwateni mazwele, ka lisabule *cwalo*, lizwele la bona la kwa silyo, ni kuyema bali kutalimela mali inge a poomoka fela ona cwalo, kufitela bupilo bufela kuzwa ku bona. Ba amuha limbututu kwa bahame bene ba itwezi ni ku lifa linja ni likulube, inge ba talimezi ona cwalo. Bene ba lukela kuba mwa Bukreste; kono Bibebe ibulezi kuli, mi Jesu ali, “Ku ka ezahala kuli ba ka mi bulaya, ka kunahana kuli basweli kuezeka Mulimu sebelezo.” Mwabona?

53 Mi cwale nto yeo ya shetumuka mane ku to fita ni mwa lusika lusili. Mi kwa nalulelule za zwela kwande. Mi cwale lu lemuha zeo keleke haikala kutaha mwa kuongaongiwa. I hoholoji ni ku hoholola, kuzwa ka nako yani, mi ya zwa mwa Moya, ya ikela kwahule ni Moya, ku to fita fa sibaka sa lusika lwa mafelelezo ha i itukiselize kuba mwa swalisano ya kueza siswaniso sa sibatana.

54 Kono ona Moya o munyinyani wani uka pila mwa lipilu za sicaba kufitela Jesu ataha. Una ni kuba cwalo. Mubuluke zeo mwa minahano ya mina.

55 Lu ka li swanisa fa mapa, lunge litaba za kale ni lika zeñwi kaufela, ni ku mi bonisa kuli kona mo lienzi ona cwalo. Kueza kuli munge litaba za kale, mina kasibili, ni kuipalela zona. Mubone se i bulezi Bibebe, mi hape ni se libulezi litaba za kale. Mubone mo li tamahanela hamoho fela ona cwalo. Oh!

56 Shangwe lusike lwa nga nto ye kuba fela tuto, kono cwale lu inge ka likute, ka likute lunge litemuso za Moya o Kenile ze ni kulapela, musihali ni busihu. Kusike kwaba ni se si ka mi tuhelisa kwa kulapela.

57 Lu kene ku zona, li ka kata bupilo bwa baana babatuna bani kwa mulaho kwani, ka mo ne ba ipile. Mu ka bona kuli zemu

ezize mina ki ze nyinyani fela. Li ni utwisanga maswabi fokuñwi na kasibili, mo luna ni kubela ni lika kaufela ka mukwa o bunolo, kanto bona nebana ni lika kaufela mwa butata maswe. “Ne ba yambaela,” Paulusi naize mwa Maheberu 11 kuli, “mwa matalo a lingu ni lipuli, ne ba nyandile ni ku nyandiswa, ba sina kwa kuina.” Bupai bwa luna bu ka yema kai ha bu bapiswa ni bwa bona? Bu kaba cwani kwande a bwani? Kanti luna mane luna ni kuba ni lika kaufela zende hahulu.

⁵⁸ Cwale, ka likute fela, lu si ka apula kale Bibele, Ni tabela kuli kaufela luna, baba kona, luyeme fela kwa nako ya tapelo. Cwale ka busepahali bwa lipilu za mina, mu bulele linzwi la tapelo ka . . . ku Mulimu.

⁵⁹ Mulena Mulimu, Mubupi wa mahalimu ni lifasi, Mukalisi wa Bupilo Bobusafeli, ni Mufani wa limpo zende mi ze petehile kaufela. Lwa Ku kupa, Mulena, pili, kuli u lu swalele ku sa iseza ngana kwa luna kaufela, ni libi za luna ni lifoso za ku Ku lwanisa, ni kulwanisana mañi ni mañi hamoho cwalo ni mutu yeli muhaesu.

⁶⁰ Mi cwale nako nyana ya kutaha hamoho ye isike yaba fela ya kuhulisa mioyo ya luna lunosi, kono ibe ya ku lu monyehela liseli mwa mukwa omuñwi, ni ku lu susumeza, kufitela lu yo bulelela babañwi. Ye ibe nako ya kuipa sinca, ku kopana ni Mubili wa Kreste ni kuitukiseza Kuungelwa kwa balumeli.

⁶¹ Mulimu Ndate, isiñi ka maikuto aka fela, ka kuziba kuli mutanga Hao, hamoho cwalo ni batanga babañwi, haba swaneli mwa musebezi tuna woo. Ka kulemuha butuna bwa baana, baba ile kale, mo ne ba ipeezi zona mwa lipilu za bona ka kulika kupatulula Se, kamba kubulela lika zeñwi kuama Sinulo tuna ye; mi lu lemuha kuli luna lufita mo ba inezi, lufita mo ba inezi, bene ba inyandela fela. Kono Wena ki wena kukona kwa luna.

⁶² Mi Na lapela, Ndate wa Lihalimu, kuli Uka eza nto yeñwi yende mwahala nako ye, kuli Moya o Kenile ube ni puso mwa pilu ifi ni ifi. Kenya mupato mwa milomo ye ka bulela ni lizebe ze ka teezeza. Mi zeo hase li felile, mi lu li beya ku Wena, lu kone kuzamaya kuzwa mwa sihoto sa ndu ye, luli, “Ne li nto yende ha ne luli kwani. Moya o Kenile ha ni bulela ku luna inge luinzi mwani. Mi cwale lu itamile kueza kaufela ze lukona ha ku sa monyeha Maseli a manzibwana.” Lumeleza cwalo, Mulena.

⁶³ Mi, hakube kuli mwahala mukopano wo, baana ni basali bafumane maswalelo, amanca. Mi U zuse babuleli ba malimi, batoloki ba malimi. Mi U zuse limpo za bupolofita. Zusa bakutazi, balisana, babuleli, ni babañwi cwalo, kuli Keleke ikone kuhuliswa. Zusa bahasanyi ba linzwi kuli baye mwa simu kwahule mi batise Evangeli ye kanya ye. Kaufela ko ku kaya Linzwi, ha Li wele mwa mubu omunde, inge li tisa lipeu ze mwanda, kakuli lu lumela kuli lu kwa maungulo a lusika. Mafelelezo a fakaufi.

64 Lumeleza lika ze, Ndate. Mi fahalimwa lika kamukana, Mulena, ka nako ye, U ni tuse nina, ya tokwile. Kakuli Na kupa, ha Ni nze ni ipeya ku Wena kwa lisebelezo ze, ka Libizo la Jesu Kreste. Amen.

[Kezeli ubulela ka lulimi lusili. Muzwalr ufa tokolo—Mu.]

65 Mulimu Yamata, Yana zusize Jesu kwa bafu, lu tabile hahulu ka kuziba kuli Moya wa Hao upile mwahala luna. Kamita Yena ki wa niti mi hakuna linzwi lelisi la niti. Mi cwale, Ndate, tiiseza Linzwi la Hao halunze lu bala, kwa kanya ya Hao. Mi cwale pilu ifi kaufela, sina Mo bulelezi, “Mu itukiseze mi mutone, kakuli kuna ni ze taha.” Ikona kuba kuli sicaba si ka amuhela temuso ya sona ya mafelelezo kuzwa kwa lika ze ba eza cwale, kutaha kwa liseli. Lwa itumela ku Wena, Mulimu Yakenile, ka Libizo la Mwana Hao, yena Mulena Jesu. Amen.

66 Mu apule cwale mwa Buka ya Sinulo, kauhanyo ya 1. Cwale, ya pili, Ni bata kubala litimana zetalu zapili za Sinulo.

Sinulo ya Jesu Kreste, ya mu file Mulimu, kuli abonise ku mutanga hae lika ze lukena kutaha kapili; mi ulimile ni ku li paka ka lingeloi la hae ku mutanga hae Joani:

Ya na pakile linzwi la Mulimu, ni bupaki bwa Jesu Kreste, ni ka lika kamukana . . . kwa lika kamukana za na boni.

Una ni mbuyoti mutu ya bala, ni baba utwa manzwi a bupolofita boo, mi abuluka lika ze ñozwi mwateni: kakuli nako i fa kaufi.

67 Sina ha Ni bulezi kale, cwale, mwahali mo lu ka lika kutatulula nyana cwale za Buka, kuya ka litaba za kale ni zeñwi cwalo. Mi ka nako ifi kaufela ha mu ni bona ni tamahanya kwa makepe o Ni ñozi fa, lika za yona zo Ni ingile kuzwa kwa lingambolo ni zeñwi cwalo.

68 Cwale, muñolu wa Buka ye ki Joani, Muhalalehi Joani musinuli, na ñolezi kwa lusika lo ne lu sa taha kwapili (A). (B) Kutalimana ni mangeloi a supile a likiliti zesupile za linaka za lusika lwa Bakreste, ili lusika kuzwa mwa mazazi a baapositola kuisa kwa Kutaha kwa Mulena. Mi ni . . . cwale, masika abonahalela mwa kuyolisana, lo ku loluñwi, kuzwa kwa kukambama kwa Mulena luna kuisa kwa Kutaha kwa Hae hape. Lusika lwa keleke ifi ni ifi lutolokilwe kuya ka buino bwa lona. (E) Lusika lwa keleke ifi kaufela lu sweli hande za lona kuya ka Mañolo ni litaba ze bulezwi za moya ka yona. Sina Moya ha u bulela, lusika lufi kaufela lwa kona ku ipuluka. Lusika lifi kaufela ne luna ni Kota ya niti ya Kreste, ili Mwalyanjo ya butali. Mi lusika lufi kaufela ne lu lwala kota ye comekilwe fela, ili mwalyanjo wa sikuba.

69 Bañoli ba litaba za kale ba lumela, kuli bo ki bupilo bwa Joani. Joani na pilile myaha ya mafelelezo a bupilo bwa hae mwa

muleneñi wa Efese mi ashwela mwateni. Nali fa soli da Patmos, ka nako ya na ñola Buka ye, Sinulo. Ne si likande la bupilo bwa hae, kono ki likande la Kreste mwa masika a kwapili. Mwabona? Neli bupolofita. Isiñi bupilo bwa Joani, isiñi bupilo bwa Kreste, kono ki kupolofita kwa lusika lo lu taha. Ne si mubulelelo wa bupolofita bwa hae; kono, likelezo za Mulena, ka tiisezo. Ne si Sinulo ya Muhalalehi Joani musinuli, kono ki Sinulo ya Kreste Mulena.

⁷⁰ Ki yona Buka ya mafelelezo mwa Testamente ye Nca, kono ibulela za makalelo ni mafelelezo a masika a Evangeli. Luna ni baituti ba Bibebe baba lumelelana.

⁷¹ Mañolo a kwa masika a likeleke zesupa na ñozwi, ka sipolofita, kusupa kwa masika a kwa pili. Paulusi na ñozi ka za bupilo ni kanya ya likeleke zesupa ze liteni mwa lizazi la kacenu. Joani na ñozi za bupilo ni kanya ya likeleke zesupa za linako za kwa pili, zeo Joani nasweli kuñolela kwa balisana baba sebene kamba bulumiwa sina kusupa kwa Bakreste kaufela mwatasi mangeloi a shutana a sebene.

⁷² Cwale, Buka ya Sinulo, cwale lu ka nga, halunze lu shetumuna taba ye fafasi kakusasana cwana ni manzibwana kacenu. Mi lu ka lika kuzwa ka ilebene kiloko kamba ilebene seti, nto yeñwi ye cwalo, mi kipeto ni ku kala hape ka sebene.

⁷³ Cwale litaba za kauhanyo ya 1 ye. Timana ya 1, li—li bulela za yona luli Kasibili, kakuli ki Sinulo ya Jesu Kreste. Timana ya 2, Muhalalehi Joani musinuli ki yena muñoli ni mutanga. Timana ya 3, limbuyoti libulezwi. Timana ya 4 kuisa ku ya 6, ki litumeliso kwa keleke. Ya bu 7, ki zibahazo. Timana ya 8, ki Bumulimu bo bupahami bwa Jesu Kreste. Timana ya 9 kuisa ku ya 20, ki pono ya Patmos.

⁷⁴ Mi, hape, litimana za 14 ni 15 li toloka kanya ya Hae mwa mikwa ye sebene ya Butu bwa Hae. Oh, ki bunde ha lu bona Kreste mwa buino bwa butu bwa Hae bo bu sebene . . . libupiwa ze sebene za butu bwa Hae, mwa zuho ya Hae ye kanya.

⁷⁵ Cwale, lilumbatina li toloka mutu.

Sinulo ya Jesu Kreste, . . .

⁷⁶ Ha ki sinulo ya Muhalalehi Joani musinuli, kono ki Sinulo ya Jesu Kreste, yali Mwana Mulimu.

⁷⁷ Cwale, linzwi la Sigerike le li talusa *sinulo* ki *apocalypse*, ili kutalusa kuli “ku patululwa.” Mi Ne ni ngile linzwi leo ni ku li alunguta hande. Li talusa kuli, haili *apocalypse*, ki ku . . . Kuswana sina mubeti, ya basize siswaniso sesituna, mi kipeto wa apesa fateni lisila. Mi kipeto u yo apula fateni lisila leo ni kupatulula sa beile kwa mulaho wa lisila. Ki ku apula.

⁷⁸ Mi Buka ye ha ki kuapulwa kwa, lika zeñata, kono ki Butu bwa Jesu Kreste. Ibo, ibulela hande za Bumulimu bwa Hae ni butu bwa Hae mwa mikwa ye sebene, hape ni lika zeo Ali zona,

sina Muprisita, Mulena, ni zeñwi cwalo. Kono ki kupatulula kwa za kwapili za misebezi ya Hae mwa masika a sebene a sa taha kwa pata. Ki . . .

⁷⁹ Mulena luna hanali fa lifasi le, balutiwa ba Mu buza bali, mi bali, “Muluti, kikuli uka kutiseza mubuso kwa Isilaele?”

⁸⁰ Mi Jesu ali, “Ha mu lukeli kuziba hola kamba nako.” Mi hakuna mutu ya ka ziba. Ali, “Mane ni yena Mwana,” luli, “ha zibi.”

⁸¹ Kono kasamulaho wa lifu la Hae, kupumbekwa, ni zuho, ni kukambamela kwa Kanya, Na filwe ki Mulimu ze ne sa taha kwapili za Keleke. Mi ki Ha kutela mwa mulaho, kamba kutisa Liñusa le kwa Keleke, mi Liñusa la kutaha kwa Hae ni buino bwa likeleke za Hae mwahala Lusika.

⁸² Na si ke a lieza kusikaba kale lifu la Hae, kupumbekwa, ni zuho, kakuli Na si ka li ziba kale. Kono kana mu lemuhile ka mwa tolokela Mañolo faa?

Sinulo ya Jesu Kreste, ya na mufile yona Mulimu
(Kreste), . . .

⁸³ Kuli mane Mulimu Ndate na file Sinulo ku Mwana Hae Jesu Kreste. Mi A luma lingeloi la Hae ku Joani, kuli apake lika ze ne li teni; ze li teñi, ze li teñi, ni ze ka ba teñi. Oh, ki zende luli!

⁸⁴ Cwale, mwa lusika lo lu taha lo lwa na boni Joani! Cwale, zee, Sinulo ye ne ifilwe ku yena, ka tokomelo, kuli apatulule musebezi o lukela wa Kreste, sa Na kaba sona ni kuli abe sona, mwa lusika lufi ni lufi. Ki kabakaleo ha Ni ize, kakusasana kacenu kuli, mu hupule hande za Keleke ya niti. Keleke ya niti ne ikalile ka Lizazi la Pentekota.

⁸⁵ Hakuna muituti, muituti wa Bibebe, kamba mubali wa litaba za kale, yakona kubulela kuli ne ikalezi mwa mazazi a Martin Luther, Wesley, lusika lwa Katolika, kamba lusika lufi kaufela. Ne ikalezi kwa Pentekota. Kwani neli ku kakulwa kwa Keleke. Ani neli ona makalelo. Kacwalo, kabakaleo, mwa ngambolo ni mutu kaufela, muyeme fa munyako wa Pentekota, mi hakuna kusili ko ba kona kuya hape.

⁸⁶ Kuswana sina kubeya shakame mwa simu. Mwa ziba ko kuna ni musima kaufela, kona muli mu ka ituhelisa. Ukaba ni kukutela hape kwa sibaka se si swana se kwa na kezezi.

⁸⁷ Kihande, yeo kona nzila, mutu kaufela ya ambola ka likeleke ni masika a likeleke, ni misebezi ya Moya o Kenile, ukaba ni ku kutela ku za makalelo, za pili. Li na ni kukuta ona kwani kakuli Mulimu haana mafelelezo, mi U mata kaufela. Kabakaleo, Yena ka kuba ya sina mafelelezo, Hakoni kueza sika *fa*, ni kueza sina se si shutani ku sona, kwa sibaka se *fa*. Una ni kueza ka nako ifi kaufela sina Mwa kile a ezeza ka nako yapili.

⁸⁸ Sina Pitrosi mwa na bulelezi, ka lizazi la . . . fani Bamacaba ha ba amuhela Moya o Kenile, naize kuli, “Kikuli lu ka ba hanisa

mezi, ka kubona kuli ni bona ba amuhezi Moya o Kenile sina luna mo ne lu u fezwi kwa makalelo?”

Jesu, fani ha Nali mwa lifasi, na bulezi mi ali, “Ki . . .”

⁸⁹ Kuna ni yana tile mi ali, “Kana ki swanelo ku luna, kuli lu lukulule basali ba luna ka mulatu kaufela?”

⁹⁰ Jesu naize, “Ya na ezize muuna, aeza ni musali. Bakeñisa taba ye muuna uka siya . . .”

Naize kuli, “Kono Mushe na lu lumelelize kuñola liñolo la telekano.”

Jesu naize, “Ne ku si cwalo kwa simuluho.”

⁹¹ Mu kutele kwa simuluho. Kabakaleo, haiba lu ka ambola ka za lusika lwa keleke, luna ni kuya kwa mulaho kwa simuluho, lu beye kwatuko pulelo kaufela ya bulezi mutu ufi kaufela mwahala lusika.

⁹² Ye kona Buka ye swanehela ya Buka ifi kaufela mwa Bibele. Ye kona Buka inosi fela yeo Kreste na beile liswayo la Hae ku yona. I kala ka mbuyoti mi ifela ka sikuto. “Una ni mbuyoti ya bala.” Mi, “U kutilwe ya ka zwisa sika ku Yona.”

⁹³ Ki yona Buka inosi fela yana ñozi Kreste, Yena kasibili, mwahala Bibele kaufela. Milao ye Lishumi, Na i ñozi ka munwana wa Hae. Yeo ki niti. Majuda ne ba swalelezi ku seo. Mi, kacenu, ki yona—ki yona Sinulo.

⁹⁴ Mi haiba Satani utoile Buka ifi kaufela mwa Bibele, ki yona buka ya Sinulo. Kuna ni zepeli . . . U toile Mañolo kaufela, mi ki ona mayemo a Mañolo. Kono, haiba kuna ni sika kaufela, u nyaziseza fela, ya Sinulo ni Genese. Kakuli, Genese ibulela za makalelo. Sinulo ibulela ze ka ezahala ku yena mwa lizazi la mafelelezo. Uka tamiwa ka myaha ye sikiti; mi yena, ni mupolofita wa buhata, mi ni sibatana, uka nepelwa, inza pila, kunepelwa mwa Lisa la Mulilo.

⁹⁵ Mi uka lwanisa Buka ya Genese kuya ka—ka mutomo wa yona. U ka bulela, kuli, “Ha ina mayemo.” Mi uka nyunga minahano ya sicaba. Mu talimele fa fumaneha diabulosi, ona Buka ya Genese yani kamba Buka ya Sinulo, yapili ni ya mafelelezo.

⁹⁶ Mi Buka ya Sinulo ina ni lisupo zeñata ku yona kufita libuka zeñwi kaufela za Bibele. Ina ni lisupo ze ñata kakuli ki Buka ya sipolofita. Ki Buka ya sipolofita. Kabakaleo ina ni ku utwisiswa ka sitopa sa bupolofita. Buka ye ha ki ya mutu kaufela. Hakuna mutu yakona ku i utwisisa, mane. Buka ye i lukiselizwe sikwata sesiñwi sa batu. Mwa Deuteronomi, I bulela kuli, “Lika ze patilwe ki za—za—za Mulena.” Yeo ki niti. Mi kipeto Wa lu patululela zona, luna bana ba Hae, zeo ki lika ze patilwe. Kona kuli ha li ikeli fela . . .

⁹⁷ Ngana ya butu haikoni ku utwisisa lika zetuna zeo za Mañolo, kakuli ki butanya ku bona. Kono ku baba lata Linzwi la Mulimu, bao ki bona bene na ñolezwi Buka ye, kwa Keleke. Sinulo ya Jesu Kreste, “Kwa keleke ya mwa Efese, kwa keleke ya mwa Smirna, kwa keleke, kwa likeleke,” kushetumuka cwalo. Sinulo ya Jesu Kreste kwa Keleke. Na lata cwalo.

⁹⁸ Mi mulemuhe, hape ki mafelelezo a Mañolo, mafelelezo a talelezi. Mi itomilwe mwa sibaka sa yona se si lukile, kwa mafelelezo a Bibe. Sinulo ya lika kaufela ne itomilwe mo ka mbuyoti ku ya Li bala kaufela ni ku Li utwa, ina ni sikuto ku baba ka ekeza kwateni kamba kutusa kwateni. Ki mayemo a tezi hande, oh, kona mayendameno. Hakuna ze kona ku ekeza ku Yona. Mi mutu ha lika kuzwisa sika kaufela ku Yona, kamba kukeza kwateni sika ku Yona, Mulimu uize uka zwisa siemba se si swana kuzwa mwa Buka ya Bupilo. Mwabona? U ka zwisa siemba sa hae mwa Buka, haiba na ba ekeza Kwateni.

⁹⁹ Kabakaleo, ha lu bona Sinulo yetezi ya Mulena luna, yo ali Yena, seo Ali sona, haiba mutu ufi kaufela uka ekeza sika ku Yona kamba kuzwisa sika ku Yona, ki bupolofita bwa buhata. Babañata ba likile kubulela sika sisili kufita Sani. Kono yeo kona Sinulo yetezi ya Mulena Jesu mwa lusika lwa keleke ya Hae mi ni mwa Lizazi la Hae, ki Sinulo ya Mulena luna.

¹⁰⁰ Cwale—cwale, *kupatululwa*, linzwi la Sigerike, sika se si patilwe, kupatulu- . . . “kupalulula” Kreste.

Cwale, timana ye tatama, lu fumana Zeo, mwa timana ya 2.

¹⁰¹ Timana ya 1 ipatulula Kreste, ki Sinulo, kamba kuapulwa. Oh! Ka mo lusika lwa mafelelezo ni Kutaha kwa Mulena mo ne kuinezi- . . . ne lu apesizwe, kuya kwa baapositola! Ne ba buzize puzo, kono neli alimuñwi fela yana pilile kufita kwa kuba ni Sinulo. Mi niteñi, na si ka utwisisa, kakuli litaba za kale ne li si ka ezwa kale.

¹⁰² Cwale, makalelo a Buka, kamba ki—ki litaba za Buka ye, ne li ñolezwi kwa likeleke ze sebene za mwa Asia Minor, yene liteni ka nako yani. Ne li ñolezwi kwa likeleke ze sebene. Nekuna ni likeleke zeñata kufita ze sebene zani, ka lizazi lani. Kono yeñwi ni yeñwi ya likeleke zani neli ze butokwa, ka ku zamaelela ni batu ba mwa keleke yani, ze ne ka latelela mwahala lusika lwani, buino bwa keleke yani. Sina mwa Efese, neina ni mubonahalelo. Smirna, Pergamosi, ni kushetumuka cwalo, Filadelfia, yeñwi ni yeñwi ya likeleke zani nelina ni lika zeo ku zona, ze ne ka bonahala hape mwa masika a sa taha. Oh! Haiba uka fela . . .

¹⁰³ Mutu kaufela ulukela kubona ze—ze taha ka moya kuya ka Mañolo ni kubulela kuli ne ba si ka susumezwa? Likezo za hao luli, ona mulelo wateni luli, ona muhupulo wateni wa sicaba, kiñi, li paka kuli Mañolo a susumelizwe, kubona Mulimu mwa beela lika zeo. Se muezwa fela, *fa*, ki mufuta wa sika sesiñwi.

104 Sina Abrahamama mwa na ilo fela Isaka sitabelo, mwana hae anosi; ki mufuta wa Mulimu ya na fa Mwana Hae, myaha ye mwanda kasamulaho. Kuli mane Josefa na lukisizwe mi akena mwa tolongo, na toilwe ki bana ba habo yena mi na latiwa ki ndatahe; Jesu, mwa mufuta. Moya mo no belekela ku Josefa, neli mutu, mi ne bu swanisisa fela ku Kreste, ka kupetahala. Kuli, Davida, yena Mwana Davida na ka to ina fa lilundu leliswana. Fani Davida ha na hanilwe kuba mulena mi akambama fa lilundu la Lilundu la Olive, atalima kwa mulaho, inza lila, sina mulena ya hanilwe; lilimo ze mianda yelikani kasamulaho wa fani, Mwana Davida apahama falilundu le liswana, kakuba Mulena ya hanilwe, mi alilela Jerusalema. Moya mufuta ni mwa buino. Oh!

105 Mi cwale mwakona kubona Keleke yetuna ya pentekota mwa lizazi la mafelelezo le? Kana mwabona Mulimu mwa na kakulezi ka Lizazi la Pentekota? Moya wani ulukela kusiyala mwahala masika a Likeleke kaufela.

106 Ba kala kuba baba enya fela mi baba sa isezi ngana. Nebana ni kuba ni kopano. Nebana ni ku ikopanya kwa keleke ni naha hamoho, mi mafelelezo ba eza cwalo ni kutisa lilimo ze mianda anda za nyandiso. Mi, za ku Cincacınca, za zwa mwatani. Mi mwaha ni mwaha, ne ba sweli kuikaba kuzwa kwa Moya mi inge ba zwelapili fela ku za nama, kuzwa ku za Moya ni kuekeza fela ku za nama, kufitela cwale baitukiseli kueza zeo hape. Lu pila mwa liholo za mafelelezo, liholo za kukwala, mafelelezo a keleke. Lu mwa Filadelfia. . . kamba mwa Lusika lwa Keleke ya Laodesia.

107 Cwale, kauhanyo ya 1, timana ya 1, ne i zibahalizwe ku—ku Joani. Cwale, muñoli ki ufi? Joani. Joani. Ne si sinulo ya Joani, mi lu ziba kuli ne isi cwalo, kakuli ne li Sinulo ya Mulena Jesu Kreste. Na li cwalo, na ketilwe kuli abe yena mulutiwa. Mi Buka Kasibili ipatulula sika mo ne siinezi, Jesu Kreste, ku yo Na li patululela.

108 Mi ne li lumezwi kwa. . . “Ni kupaka lika ze ka kuluma lingeloi la hae ku Joani.” Ha lu zibi kuli lingeloi neli lifi. Biblele ha ibuleli kuli lingeloi neli lifi. Kono lu ziba kuli neli mupolofita, kakuli Biblele ibulezi, kuli, “Na Jesu ni lumile lingeloi laka kuli lipake lika ze lukela kutaha kapili.”

109 Mi cwale lu fumana kuli Joani ha na bata kuli akubamele lingeloi le, lingelo se lili, “Ubone kuli usike wa eza cwalo.” Sinulo 22, Na lumela ku cwalo. Mi ki hali, “Kakuli Ni alimuñwi wa batanga baba swana ni wena ni wa ba polofita.” Hakula mwendi neli Elia. Ilukela kuba alimuñwi wa bapolofita. Joani neli muapositola. Kono mupolofita yo na lumilwe.

110 Mi Joani, kakuba muapositola, mutalime fa sibupiwa sa ba apositola baba siyezi, ba paka kuli ne si Joani yana iñezi, kakuli halina sibupeho se si swana ni Joani. Munge Joani Wapili, Joani

Wabubeli, ni zeñwi cwalo, mi mu bale. Mi kipeto mutalime fa sibupeho seo, mi hape mutalimele fa sibupeho sa se. Joani nali muñoli mi hape nali muapositola, kono wo ki moya wa mupolofita. Ki mutu ya shutana, kaufela cwalo. Mwabona? Ne si Joani yana ñola. Ne si sinulo ya Joani. Neli Sinulo ya Mulimu ya Jesu Kreste kwa likeleke. Mi neina ni . . . Joani nali fela muñoli, muñoli, mi—mi ni Buka itoloka ze swana.

111 Cwale, ne isika ñolelwa ku Joani. Ne iñolezwi kwa Keleke. Ku lukile. Joani, ka nako yani, neli yena mulisana wa keleke kwa Efese. Mi cwale Buka iñolelwa ku Joani. . . kamba kwa keleke, isiñi ku Joani.

112 Cwale timana ya 3, U bulela mbuyoti. Amuteeleze ku se.

Una ni mbuyoti ya bala, ni baba utwa manzwi a bupolofita bo, mi ba buluka lika ze ñozwi ku yona: kakuli nako ija kaufi.

113 Ki nako mañi ye li fa kaufi? Ki nako yeo lika ze linga sibaka, foo Sinulo ye ya Jesu Kreste ha i ka fela mwa lusika lwa keleke.

114 Cwale libaka la Na li ñolela cwalo. Kambe na ka bulela kuli, “Kihande, cwale, Na. . .” Ne ba Mu libelela kuli a; kambe ne li patuluzwi, kambe Na. . . ne li ka patululelwa ku Joani, kuli Na ka taha likeleke zani li ksa fela feela. Cwalo kona mwa na hupulela Joani. Kono haiba nekuli cwalo, likeleke zani, ha ne li felile feela, za taha. . . Haiba na ziba, haiba ne li patuluzwi ku yena kuli neku kaba ni masika a matelele a likeleke se sebene, myaha yeñata nyana cwalo, kamba mianda anda ya myaha cwalo, kona kuli ne ku si ke kwa ba libaka za ku libelela. Ne ba ka siya fela lusika lwa keleke ya bona mwateni.

115 Kabakaleo, Mulimu na li bulezi, mi ne li si ka patululwa ku bona. Ne li si ka patululwa ku Martin Luther, lika za na zibile John Wesley na zibile ka Mañolo. Ha li sika patululelwa ku ba Baptist, ze ba ziba Mapentekota ka Mañolo, ki mwa lusika lo lu shutana. Ki nako ye shutana. Mi Mulimu upatululanga lika za Hae mwa mwaha wateni. Oh!

116 Hamukoni ku cala mbonyi mwa nako ya litabula ni ku kutula ka nako ye swana. Ha mu cala peu ina ni kuhula kuba ye buzwise. Mulimu u cala Linzwi la Hae kipeto La hula hande. Mi kipeto lu talima kwa mulaho ni ku bulela kuli, “Ki Lani fani.” Kiñi, luli, lwa Li bona kasamulaho Limano patululwa.

117 Cwale, “Ufuyozwi,” ki Linzwi, kubulelwa kwa mbuyoti, fa timana ya 3, “ku baba bala ni ku utwa likunutu za lona.”

118 Mueze. . . ngana ya nama ya li saba, kakuli ngana ya nama hakuna sika se i ziba ka zona. Ki kabakaleo ngana ya butu haisa li zibi, kakuli ki Satani yali mwa munahano wa butu wani. Mi Satani u swabisizwe, mi Satani ha latangi ku mu apulanga kuli aswabe.

119 Mu nahane mo li sabiseza Satani ha hupula za ku tiswa fa ngandaleza? Mutalime ku iliñwi ya lisebelezo. Mutalime likezo za sicaba. Mu tokomelange, mwa mukopano. Haiba fela Satani u fa kaufi ni kuswabiswa, ku mutu yomuñwi, muka bona sifateho sa hae ha si cinca. Mwa bona, ha sa ziba sa ku nahana. Hañi hañi fela, Moya o Kenile utaha fafasi ni ku to patulula diabulosi yani. Oh! U toile mufuta wa mukopano o cwalo. Kona libaka ha luna ni ndwa ye cwalo yeo, kakuli Linzwi la Mulimu li swabisanga diabulosi. Mwabona? La bulela yo ali yena.

120 Sina ha mu ka li, “Musali yo yainzi fa,” mwatasi tozo ya Moya o Kenile, kuli, “libizo la hae ki Maa Jones. U zwa kwa *Kuli-ni-kuli*.” Seo si eza sikamañi? Si nopa moya wa hae, ku utisa fa sibaka sesimu.

121 “U ni ziba cwani? Muuna yo ha ni zibi, kona kuli ilukela kuba moya usili. Ki moya wa mufuta o cwani?”

“Ki Moya wa Mulimu.”

“Kucwani? Ki butata mañi bobuli nina?”

122 “Una ni butuku bwa tuberculosis, kansa,” kaufela seo sili sona, “kono KISONA SA BULELA MULENA . . .”

“Oh!” Oh, mwa toezi zeo Satani, kakuli Za mu tisanga fa ngandaleza.

123 Cwale, ngana ya nama italimela fela, mi ili, “Ki kuakaleza kwa ngana, kunahanela fela.” Ha ba zibi. Ki bukuba ku bona.

124 Kono ku baba ziba seo Sili sona, oh, ha ki mbuyoti! Mo i inezi? Ki sunulo. Sinulo ya mañi? Ya muuna yali fa katala nji? Ya Jesu Kreste mwa lusika lwa maungulo loo, yanza Ipatulula Iliyena sina mwa Na sepiselize kuezeza. Mwabona?

125 Ki sinulo, mwabona, mi Satani utoile cwalo. Mawi, mwa li toezi zeo! U apuzwi, ku apula mulelo wa hae. Satani utoile Sinulo ni Genese, Nina ni ze ñozwi fafasi fa. Yeo luli ki niti.

126 Cwale, kiñi za toezi sinulo? Kiñi ha toile hahulu sinulo? Kakuli mutomo kaufela wa Linzwi la Mulimu ni Keleke ya Mulimu litomilwe hande ni kuyahiwa fa sinulo.

127 Halina kutaha ka—ka sikolo, hakuna taba kamba luna ni mikopano yeminde yemikai ya bakutazi. Ba siyalezi kwa mulaho kafoo mwa lusika lo lu timile. Biblele ni Keleke kaniti kona sinulo.

128 Ha lu apuleni. Nina ni Mañolo añozwi fa, Mateu, ki—ki kauhanyo ya 16 ni timana ya 18. Ha lu ngeni fela yelikani—yelikani ka kutalimela mwa Mateu 16:18, lubone ko kuinzi Mañolo, kokuna ni sinulo. Hana zwa fa lilundu, timana ya 17.

Mi Jesu a mu alaba ali ku yena, Ufuyozwi wena, Simoni Bar-jona: kakuli nama ni mali ha si ka ku patululela seo, kono ki Ndate ya mwa lihalimu.

Mi Ni li . . . ku wena, . . . ki wena Pitrosi, mi fahalimwa licwe leo Ni ka yaha keleke yaka fateni; mi minyako ya lihele haina ku i koma.

¹²⁹ Cwale, keleke ya Katolika ili, “Na i yahile ku Pitrosi.” Kihande, yeo, yeo luli ki minahano ya nama. Hamukoni kunahana kuli ngana ya moya yakona ku utwisisa nto ye cwalo; sina Mulimu, ni Mwana Hae Tota inge ayemi fani, m niteñi u ka yaha Keleke ya Hae ku mutu wa fela fela, ya swana ni babañwi, mutu ya pepezwi mwa sibi. Muuna na li pakile. Yena, ka ona moya o swana wani, a kuta Jesu ni ku Mu latula inza Mu talimezi kwa sifateho. Ne si cwalo ku Pitrosi.

¹³⁰ Kamba, mane nihaiba kuli—ki licwe lene li beilwe fani, sina likeleke zeñwi mo li bulelela kuli neli cona. Ne si licwe. Kakuli, Pitrosi . . .

¹³¹ Licwe la Na bulela ka lona kwani, ne si Pitrosi, kamba mane kuli na ipulela Iliyena.

¹³² Cwale, buñata bwa sicaba sa Baipanguli ba li, “Ne li Jesu. Ne li Yena ya Na yahile Keleke yani ku yena. Yena!” Batili, ao isali mafosisa. Haiba mu lemuha, ne si Jesu, kamba mane kuli ibe Pitrosi. Ne li sinulo.

. . . nama ni mali ha li si ka ku patululela seo, kono ki ndate ya mwa lihalimu ya tisize sinulo yeo.

¹³³ Amutalime. Ni bata ku mi buza. Mwa simu ya Edeni, nekusina Mañolo ana ñozwi. Mi cwale bashimani bababeli, Kaine ni Abele, mi bubeli bwa bona neba bata kufa sitabelo kuli bafumane sishemo ku Mulimu. Ha ba eza cwalo, Kaine ataha mi ayaha aletare; Abele ayaha aletare. Kihande, haiba zeo kona Mulimu za bata, Mulimu na kaba wa saluluti hana ka bulaya Kaine. Ku lukile. Mi Kaine afa sitabelo; mi ni Abele aeza cwalo. Bubeli bwa bona ba fa sitabelo. Kaine a lapela, mi ni Abele aeza ze swana. Kaine na ezize lika kaufela za na ezize Abele.

¹³⁴ Konakuli haiba kuya kwa keleke, kuba wa siemba sa keleke, kueza litabelo, ni kulapela, ni kulapela Mulimu, kona fela Mulimu za bata, mi kipeto Mulimu ukona kuba wa saluluti ha na ka bulaya Kaine ka kueza sika sa Na bulezi.

¹³⁵ Kono, mwa bona, Abele ka sinulo, na zibile kuli ne si mulelo o no ba zwisize mwa simu ya Edeni, sina minahano yemiñata ya nama mo inahanela kacenu. Abele ataha atofa miselo ya naha, mi Mulimu a li hana, kono ne ku pauluzwi . . . Ni talusa, Kaine ki yena yana ezize cwalo, mu ni swalele. Kaine afa miselo ya naha kakuli na hupula kuli kona ze ne ba lelekile mwa simu ya Edeni. Mutalime sinulo yeo. Mutalime mo li shutanela. Mutalime mo li utwiseza butuku kacenu. Kono ne si muselo o no ba lelekezi kwande. Eva na si ka ca ma apule. Kiniti. Na lemuhile cwani kuli nainzi mapunu, haiba neli kuca ma apule? Ne li amana ni bupilo bwa foso. Nelibi cwalo!

136 Cwale, lunga taba yeo ka kuba palo, mi lunani, lu kutele ku yona. Habana nihaiba Liñolo li liliñwi.

137 Babañwi ba ku bona bali, “Kihande, musali naize, ‘Ni filwe mwana yazwa ku Mulena.’” Eeni, sha. Kona mwa na ezelize ni lihule. Mulimu una ni kubupa bupilo.

138 Kono ki bupilo bo bu lyangani. Mu talime sibupeho sa mushimani yani. Na zwa ku ndatahe, yena diabulosi; sitooyo, muuna, sibulayi. Mwabona?

139 Mi mane ni kuli, Abele, hane ba . . . bashemi ba hae kaniti ne ba mu bulelezi kuli—kuli likota ne li na ni miselo ku zona, ni zeñwi cwalo. Kono, ne li patuluzwi ku Abele. Abele ayo shimba ngunyana, kwa mali, kunga bupilo. Isiñi kota ya miselo, kutisa ma apule ni Makonde ni lituhu. “Kono Abele, ka sinulo ya moya,” Maheberu 11, “na file ku Mulimu sitabelo se si kateleha. Mulimu inza paka cwalo, kakuli ne li patuluzwi ku yena ka tumelo.”

140 Kwani kona koo Mulimu na yahezi Keleke ya Hae. “Kakuli nama ni mali ha li si ka ku patululela.” Na si ka ituta Zona mwa sikolo sa bulapeli. Mutu ha ki yena ya ku lutile Zona kokuñwi. “Kono ki Ndate ya mwa lihalimu ki yena ya ku patululezi Zona.” Foo, taba kaufela iitingile fa sinulo, Keleke kaufela yona, “Fahalimwa licwe le la Sinulo ya Jesu Kreste, Ni ka yaha keleke yaka.”

141 Mwakona kunga sa bulezi mulisana. Mwakona kunga se si lutiwa ki sikolo sa bakutazi. Mwakona kunga se ibulela keleke. Mi ha li si ka luka, mane. Mwakona ku tatulula lika kaufela ka kuziba kubulela hande. Kono konji Mulimu ha li patululela ku wena kuli Jesu Kreste ki Mwana Hae, mi mu pilisizwe ka Mali a Hae; fahalimwa sinulo yeo, yakuli, “Ki Mupulusi wa ka.”

142 “Fahalimwa licwe leo Ni ka yaha fateni keleke yaka, mi minyako ya lihele haina ku ikoma.”

143 Kacwalo he mwa bona libaka Satani ha lwanisa Buka ya Sinulo ye. Lika kaufela ze patuluzwi, sinulo ya moya, Satani wa ilwanisa. Kona za lwaniseza hahulu bulumiwa bo kacenu. Kakuli, ki sikamañi seo? Ki kupatulula kwa Kreste.

144 Mutuhele keleke i zwelepili ni likopano za yona zetuna, ni mañusa a yona atabisa a likani ni zeñwi cwalo. Mutuhele zeo lizwelepili ona cwalo, Satani ha ikatazi ka zona. Bona habana butata. Mutu kaufela wa ba nata bata fa mukokoto.

145 Ha ku taha nako ya kuli Mulimu, kuya ka Moya o Kenile, u patulula Kreste mwa Keleke, ka mata ni ponahazo ya kufolisa bakuli, ni kueza lisupo za Na bulezi kuli li ka latelela balumeli, li to ezahala, mi kipeto Satani ufetuha mwa mumbeta wa hae. U eza sika ka zona. Kufitela nako yeo, Satani haana taba kamba u ikopanya kwa likeleke ze kai. Haana taba kamba likuma kai. Kono cwale Kreste ha ipatulula ku wena kuli Ki Mwana Mulimu,

ni misebezi ya Na eza wa ieza ni wena; isiñi misebezi yemiñwi, kono ki misebezi ye swana.

146 “Ya lumela ku na . . .” Muhalalehi Joani 14:7. “Ya lumela ku na, misebezi ye Ni eza u ka ieza ni yena. Kueza misebezi yeswana, mane yemituna kufita yee.” Kakuli, Kreste na si ka kutaza kolobezo ya Moya o Kenile, ikaba yemituna. Na si ka ba luta yona, kakuli Moya o Kenile no si ka fiwa kale. Kono cwale Jesu ataha ni kutofa Bupilo bwa Hae kuba sitabelo, mi Moya o Kenile wa kuta, mi se ba kenya Bupilo Bobusafeli kwa batu. Yeo kona misebezi “yemituna.”

147 Kono lisupo ni ze komokisa, Jesu ka patalaza na bulezi cwana, mwa Mareka 16, “Muye mwa lifasi kaufela, mi mukutaze evangeli kwa libupiwa kaufela.” Kuisa kai? Kwa lifasi kaufela. Ku ba bakai? Libupiwa kaufela. Haibile fela Evangeli ya kutazwa, lisupo ze li ka latelela baba lumela. Mi nto yeo haiba sinulo, muzwale, kipeto u fakaufi ni Mubuso kanti. “Fa licwe le Ni ka yaha fateni keleke yaka, mi minyako ya baba shwile haina kuikoma.”

148 Kakuli, muuna kamba musali yakile aba kwa mulaho wa lihalaupa lani anosi, sina Mushe mwa na bezi, ni sinulo ya Mulimu ha i itibahaza ku yena ka Moya o Kenile, hakuna ze kona ku mu nyanganyisa. Ki ya tiile fela sina kutiya mo ku kona kubela.

Satani utoile Sinulo. Ha latangi cwalo, ni hanyinyani; li filikanyanga milelo ya hae.

149 Muinelo wa Buka u bonisa kuli Joani ha ki yena yana iñozi. Yeo ki niti. Kakuli ki za—ki za isili. . . Ki miñolo ya hae, kono usiñi susumezo ya hae. Ki susumezo ya Mulimu mwa ku ñolela Buka. Ku lukile.

150 Ha lu boneñi se i bulela cwale.

*Una ni mbuyoti ya bala, ni baba utwa . . . bupolofita bo,
ni kubuluka ze ñozwi mwateni: kakuli nako ifa kaufi.*

151 Cwale, “Nako i fa kaufi.” Sikamañi? Haiba Sinulo kakutala ya Jesu Kreste izibahalizwe kwa likeleke za Hae. Mi sina masika ha na nza ya cwalo, ki sinulo fela ku bona.

152 Cwale lufitile hande fa nako ya maungulo, kona kuli cwale lu kwa maungulo a lifasi. Lu kwa mafelelezo a kufela kwa litaba za kale za lifasi. Mi biki ye isika fela kale, mi Mulimu ka kuba ni luna, inza lu tusa, lu ka bonisa kuli lu kwa maungulo a masika a likeleke. Lu mwa Filadel- . . . kamba mwa Lusika lwa Keleke ya Laodesia, maungulo a masika kaufela. Lu kwa maungulo a lifasi la litaba za naha. Lu kwa maungulo a—a lifasi la nama. Lu kwa maungulo a lika kamukana. Lu kwa maungulo a sika sa nama, lu itukiselize kukena mwateni.

153 Hane ni taha zazi leliñwi, Ni sepa Ne ni sweli kuya kwa Shreveport, kamba neli kusili. Na talima. Na li, “Likotaza shwa.

Bucwani bwa shwa. Lipalisa za shwa. Na shwa. Lifasi la shwa. Lika kaufela za shwa. Lika kamukana mwa lifasi le za shwa.” Lu inzi mo kakusasana cwana, za shwa.

154 Kaniti kuna ni lifasi kokuñwi, koo lika kaufela ha li shwi. Haiba kuna ni sibaka ko ku shwela lika kaufela, ku lukela kuba kokuñwi koo lika kaufela za pila. Seo kona se lu nyolelwa, kuli lufite kwa sibaka sani ko kuna ni. . . likota ze sa shwi liyemi. Oh, koo lika kaufela ki ze sa shwi mi liyemi mwa—mwa kanya ya Mulimu.

155 Cwale, cwale, litimana zetaalu zapili zelubile ni zona cwale, ze toma makalelo. Ya 1, “Sinulo ya Jesu Kreste.” Ya 2, “Ne ifilwe ku Joani ka lingeloi.” Mi ya 3, kikuli, “Mbuyoti, ki mbuyoti ku baba ibala, mi,” haiba hamukoni ku ibala, “u fuyozwi ya bala.” Hamukoni ku bala? Mu I teezeza feela. Kipeto. “U fuyozwi ya bala, ni,” haiba haukoni ku bala, “una ni mbuyoti ya utwa, kakuli nako i fa kaufi.”

156 Cwale, munahano kuli ki mayemo a cwani mwa talusezwa foo, ki kuli, Joani, muñoli foo, ka ku liñola, neli. . . Yo ki Joani faa, ya bulela fela kuli “limbuyoti” ni zeñwi cwalo. Cwale, seo Ni nahana kuli ki sona, mwa Testamente ya Kale, muprisita na yema kakusasa ni kubala Mañolo. Mi kopano nenze iteeleza. Babañata ne ba sa bali. Kacwalo ali, “Una ni mbuyoti ya bala, ni ya utwa.” Mwabona? Mubali ni mu utwi; ya bala, ni ku utwa, u fuyozwi. Kona kuli haiba mu ka ina fela ni kuteelza ku yona, mu fuyozwi. “Una ni mbuyoti ya bala, ni ya utwa, kakuli nako i fakaufi.”

157 Cwale, kuzwa fa 4 kuisa 6 ki litumeliso kwa Keleke. Cwale lubata ku nga seo ku ya 4 ni ya 6.

158 Cwale, lu si ka fita kale fateni, Ni bata kuli mañi ni mañi a nahane katata cwale. Ki sikamañi Seo cwale? Ki sinulo ya Jesu Kreste, koo Mulimu na ngile lisila ku li apula kwa nako. *Kiye* nako faa, Jesu yani na sa boni ha Na li fa lifasi faa, masika a keleke, sene si ka ezahala. Kacwalo, Mulimu na zwisize lisila kwateni, a si apula kwateni, mi a lumeleza Joani kubona lusika lufi ni lufi lwa keleke ze ne lu ka eza, ni ku li ñola mwa buka ni ku li lumela kwa likeleke ze sebene.

159 Ki sikamañi seo? Kreste upatuluzwi mwa mazazi a kezo ya Hae—ya Hae. Itezi fela kezo, Buka ye i cwalo. Mi ki—ki Buka ya sipolofita yeo Kreste a file, Mulimu ufile ku luna ka lingeloi la Hae, ne li ñozwi ka Joani. Mi ki mbuyoti ku mutu kaufela ya ka I utwa kamba ku I bala, kakuli—kakuli nako ifa kaufi foo ze kaufela ha se li talelelizwe.

160 Luna ni buino bobunde cwale. Mi muhupule, lu buluka sweli kunahana za Keleke. Kwa neku lililiñwi, Keleke ne ikalile; kwa neku lwa kwa buse, keleke ya fela. Buñata ku yona, la Mubulo busihu, ha lu ka fita kwa masika a likeleke.

Joani kwa likeleke ze sebene ze li mwa Asia: Sishemo si be ni mina, ni kozo, ku zwa ku yaliteni, . . . yana liteni, ni ya taha; ni kwa Mioya ye sebene yeli fapila lubona.

¹⁶¹ Cwale lu kena mwa likunutu ni likalulo ze tibile za lisupo. Li ñolezwi kwa likeleke ze sebene ze li mwa Asia Minor. Nebana—nebana. . . Ki—ki masika, ka nako yeo, neina ni kutaha kwapili. Mi aba lumba ni—ni ku ba babaza ka misebezi yabona ni zene ba ezize. Kono, cwale, li ñolezwi kwa likeleke zeo, likeleke ze sebene ze li mwa Asia Minor.

¹⁶² Cwale, Asia Minor ne si Asia kaufela, ki lifasi nyana la Asia. Ne li fela siemba nyana. Ba bulela kuli, ki sibaka se si likana ni muleneñi wa Pennsylvania, mwabona, fa nto ye cwalo, kamba Indiana; ki sibaka fela se si nyinyani ko kuna ni likeleke ze sebene zeo. Nekuna ni likeleke zeñata kufitelela zeo ka nako yani. Mi, kono, ne li patuluzi miinelo ya bona. Cwale Ni bala fa ze Ni ngile mwa litaba za kale za zona.

¹⁶³ “Mi u . . . Kutilwe ya utwa ni, kamba, ya sa Li utwi.”

¹⁶⁴ Mi—mi cwale, li taha fa nako ya timana ya 4 yeo lubata ku tatulula sesiñwi fa. “Kuzwa ku Yana liteni, ni yaliteni, ni ya taha, mi yana ni Mioya ye sebene; kuzwa kwa Mioya se sebene yeli fapila lubona lwa Hae.” Cwale, “Ki Mioya,” lu ka fita ku yona kasamulaho.

¹⁶⁵ Cwale, ki se si bulezwi, haiba mu ka lemuha mwa—mwa hali mo. Hape ni mwa timana ya 7, kamba timana ya 8, U taha hape ni kubulela kuli, hape wa litatulula. Cwale amutalime. Likeleke ze sebene li ñolezwi. “Kuzwa ku Ya liteni, yana liteni, ni ya sa taha. Yana liteni, nako yeñwi; ki cwale; ni ya sa taha.” Cwale, U toloka fa mwa likalulo za Hae zetaalu, ponahazo ya Hae mwa likalulo zetaalu za musebezi wa Hae.

¹⁶⁶ Cwale haiba mukanga timana ya 8. Lu ka fita ku yona, mwa muzuzu fela. Lu ka nga timana ya 8.

Kina Alfa ni Omega, wa makalelo ni wa mafelelezo, kubulela Mulena, ya li teni, . . . yana liteni, ni ya sa taha, ni Yamata kaufela.

¹⁶⁷ Cwale lu sweli timana ya 4 ni timana ya 6 mo li bonahalela, zepeli cwalo za swana. Iliñwi, U bulela kuli, “Ku Ya na liteni, ya liteni, ya sa taha.” Ki sikamañi Sa lika kubulela kwa Keleke? Bulimu bwa Hae. Kacenu, batu balika ku Mu eza kuba—kuba mupolofita. Yena u fita mupolofita. Mi batu babañwi ba lika ku Mu eza Balimu ba balalu. Ha ki Balimu ba balalu. Ki Mulimu alimuñwi yana pila mwa liofisi zetaalu, mibonahalelo yemilalu ya Mulimu ya swana.

¹⁶⁸ Cwale, muhupule, ye kona Sinulo, “Mi yo kaufela ya utwa mi apalelwa kubuluka litaba ze ñozwi mwa buka ye, siemba sa hae si ka zwiswa mwa buka ya bupilo.” Jesu ha ipatululi Iliyena kuba Balimu babalalu, kono ki Mulimu ni liofisi zetaalu. Oh!

Li ka utwahala hande kasamulaho nyana, ha lu ka kena mwa masika a likeleke ani ni kubona ko ne ba latehiselize sani. Ne li tisize kuikaba ko kutuna kwa katengo ka Nicene Council. Bubeli bwa bona kaufela ba zwa fa mayemo a tiile.

¹⁶⁹ Mi ba ezize lika zeswana mwa lizazi la mafelelezo le hape, inge fela sapili kwa katengo ka Nicene Council hape, kakuli ku kaba kakañwi. Kuswana fela inge ha Ni yemi fa cwana, likeleke za Katolika ni za Baipanguli lika kopanya sika sesiñwi hamoho, kamba ku lumelelana ni yeñwi hamoho. Amutalime ku bishpu yomutuna wa Canterbury kulo kwani cwale. Kaufela zona lisweli kutaha ka kubundama hamoho. Mi hakuna tuto ya Mulimu wa bulalu mwa Bibebe. Kuna ni Mulimu alimuñwi.

¹⁷⁰ Mi li patuluzwi mo mwa Buka ya Sinulo, kuli mayemo kaufela a Mañolo akone kupakiwa fa, mi Kreste a beya liswayo la Hae ku yona. Se ki Sona. Haiba mutu aka zwiwa kwateni kamba ku ekeza kwateni, ni yena li ka zwiwa mwa Buka ya Bupilo, za hae. Kona kuli musike mwa talima ye ka buitati, mutalime taba ye ka pilu ye kwaluhile ni ngana ye kwaluhile.

¹⁷¹ Cwale, kwa katengo ka Nicene Council, ba taha kwa buiketelo bobutuna bobubeli. Ka za . . . Oh, buñata bwa bona mwa lizazi lani bashemi ba keleke yapili, ne bana ni mibonelo yemibeli ye shutana. Alimuñwi wa bona neli Mulimu mwa bulalu, wa bulalu. Mi yomuñwi neli mu—mu Mulimu alimuñwi. Mi zepeli zeo za taha ni kuya ka mitai ye shutana, kwande ona *cwalo*. Tuto ya bulalu bwa bumulimu yaba ya balimu babalalu ku mutu. Ba oneness baba bulaalu, neli fela mafosisa sina zeñwi kaufela mo ne li fosahalezi. Kacwalo sibeli sa bona baikaba ka mitai, kono ona mwahali *Mo* u patuluzi Niti.

¹⁷² Jesu na si ke aba Ndate ka yena Anosi. Kamba kuli, haiba Nana ni ndate kwanda Moya o Kenile, kona kuli kanti Ki mwana wa mwa bunyazi. Mi isi . . . Ki Moya o Kenile o no Mu pepile, mi Naize Mulimu ki yena Ndata He. Kona kuli Moya o Kenile ni Mulimu . . . Yeo ki Mateu 1:18. Haiba . . . Moya o Kenile ni Mulimu bana ni kuba Mutu yaswana, kamba Nana ni bo ndatahe bababeli. Mi Na bizwa ku *Emanuele*, ili kuli, “Mulimu una ni luna.” Na bulela kuli, ha Na li mwa lifasi, kuli Yena ni Ndate neli Alimuñwi.

¹⁷³ Nina ni Mañolo a ñozwi fa kaufela kuli mufumane, haiba luba ni—ni puzo ye, kamba nto yeñwi.

¹⁷⁴ Cwale, ha Na bonahalile fa, kuba ofisi yena ni miinelo ye milalu ya butu bwa Hae, “Ya Na liteni, Ya liteni, Ya sa taha, ya Mata kaufela,” cwale, hakuna Balimu babalalu foo; kuna ni Mulimu alimuñwi.

¹⁷⁵ Mi mwa katengo ka ba Nicene Council, ka kueza cwalo, ka kueza seo, nebana ni kunga bulaalu bwa bumulimu, kakuli mwa lifasi la Siroma nebana ni milimu yemiñata. Ne ba lapela kwa bashemi ba bona bene ba shwile kale. Nina ni litaba za

kale ka zeo ko lukona kubala. Mwabona? Ne ba lapela kwa bashemi ba bona ba kale. Kona ha bana ni Muhalalehi Cecelia, ni Muhalalehi Marcus, ni muhalalehi, muhalalehi, muhalalehi, muhalalehi, muhalalehi, muhalalehi.

¹⁷⁶ Mi, Muapositola Pitrosi naize, “Hakuna muyemeli yomuñwi mwahala Mulimu ni mutu, kono konji yena Muuna yani Kreste Jesu.” Alimuñwi.

¹⁷⁷ Nebana ni kuba ni mulimu wa za bulalalu. Kacwalo, neba—neba na ni Jupiter, Mars, Venus. “Mi ne li si ka luka, kaufela zona ku li beya ku Mulimu alimuñwi fela,” kona kuli ba li kauhanya fela, mi ba eza liofisi zetaalu za Mulimu kuli ibe Balimu ba balaalu baba shutana.

¹⁷⁸ Kono U bulela patalaza cwana fa, mwa Sinulo, Yo Ali yena. “Ki Na yana liteni, Na ya liteni, ni Ya sa taha, Yamata kaufela.” Lu kaba ni Zona kasamulaho nyana fa, Na ize kuli, “Kina Alfa ni Omega,” A kuisa fa Z, kaufela, yona alfabeti ya Sigerike. “Mulilima wa mwa Libala, Palisa ya Sharoni; Ndate, Mwana, Moya o Kenile; Yana liteni, ya liteni, mi ya taha; yena Mubisi ni Situndo sa Davida.” Ki yena Mulimu, Mulimu. “Ni. . .” Timotea Wapili 3:16, “Kusina likañi, kunutu ya bulapeli ki yetuna: kakuli Mulimu u bonahalile mwa nama, u bonwi ki Mangeloi, u lomezwi mwa lifasi, u kambamezi kwa Kanya.” Mulimu! Ha ki mutu wa buaalu kamba kuli ki mupolofita, kono ki Mulimu yena Kasibili, ya bonahalile mwa mubili wa butu. Cwale, ye ki sinulo, muhupule.

¹⁷⁹ Cwale, Mulimu, kwa simuluho, nekuna ni Jehova yomutuna yana pila mwa Siita ya Mulilo, sene si lepelela fahalimwa Isilaele, ni ku ba zamaisa. Yani neli Mulimu, ili Lingeloi la Bulikani. La taha fahalimwa lilundu; lilundu kaufela la swala Mulilo. Mulilo wa fufa kuzwa fa lilundu, ni kuñola Milao Yelishumi. Na bizwa kuli “Bushemi bwa Mulimu,” kwa bana ba Hae, lusika lwa Hae lwa sicaba se si ketilwe, lwa Majuda.

¹⁸⁰ Mi yena Mulimu ya swana yani na bonahalile ka kupepwa ku mwalanjo mwa mubili wa Na ipupezi mwa mba ya Maria, mi apila ni ku yaha ni kubapula tende ya Hae, sina mo lukona kubulelela, mwahala batu baba pila. Mi yena Mulimu yaswana yani aezwa nama mi a yaha ku luna. Bibebe ibulezi ona cwalo. “Mulimu nali ku Kreste.” Mubili neli Jesu. Jesu, “Ku Yena ne kupila mutalelela wa Bumulimu ka mubili.” Ha li koni ku Mueza kuba batu ba balalu, cwale. Musike mwa kolobeza kwa Balimu ba balalu. Kuna ni Mulimu alimuñwi. Mwabona? Mulimu alimuñwi. Cwale, yena Mulimu ya swana yo na ezizwe nama.

Na ize, “Ni zwile ku Mulimu, mi Ni ya ku Mulimu.”

¹⁸¹ Kasamulaho Amano zwa mwa lifasi, ka lifu la Hae, kupumbekwa, ni kuzuha, ni kukambama, Paulusi a Mu katana

mwa musipili o liba Damaseka, inge a sa bizwa kuli “Saule.” Mi Linzwi la taha, la li, “Saule, Saule, kiñi so Ni nyandiseza?”

Ki hali, “Ki Wena mañi?”

Mi ali, “Kina Jesu.”

¹⁸² Mi Nali Siita sa Mulilo, ili Liseli lene li timile meeto a muapositola. Na sa kutile. Yena Jesu ya swana na kutile ku Mulimu, yena Ndate, hape. Leo kona libaka ha Na bulezi fa kuli, “Kina Yamata kaufela,” mwa mufuta o swana wa Nali ku ona Asika ezwa kale nama; ni mubili wa Hae wa Na pila ku ona, o bizwa Jesu, yena Muuna ye lu ziba, Jesu.

¹⁸³ Cwale, sina buñata bwa mina sicaba sa ba oneness mu kolobeza ka, “Libizo la Jesu,” mwa fosa. Kuna ni bo Jesu mianda anda mwa lifasi kacenu, kono kuna ni fela alimumu Mulena Jesu Kreste. Na pepilwe ali Kreste. Haili bo Jesu ki babañata. Ni katani babañata luli ba bona. Kono kuna ni alimuñwi Mulena Jesu Kreste, Ki yena Mulimu.

¹⁸⁴ Mi Ndate, Mwana, ni Moya o Kenile ha ki *mabizo*. Ao ki malumbatina aya kwa Libizo lililiñwi. Ba kolobeza, “Ka libizo la ‘Ndate, Mwana, Moya o Kenile.’” *Ndate* ha ki libizo, ni *Mwana* ha ki libizo, ni *Moya o Kenile* ha ki libizo. Ki lilumbatina, kuswana sina “mutu.” Kona sa li sona, ki Moya o Kenile. Ki mutu. . . Kamba, ki moya, Moya o Kenile. Mi mubulela kuli, “Ka libizo la ‘Ndate.’” Amutalime baha ndate, ni bana ba bana ba mina. Amutalime batu babali mwahali moo. Mwabona? “Ndate, Mwana, ni Moya o Kenile” ha ki libizo. Ki lilumbatina le li zamaya kwa Libizo la “Mulena Jesu Kreste.”

¹⁸⁵ Cwale kona mo ne ba kolobezanga ba apostolic Church, kwa makalelo. Mi Ni ka kupa kuli yomuñwi a ni bonise Liñolo li liliñwi, kamba nako yeñwi mwa litaba za kale, kuli mutu ufi kaufela yakile a kolobezwa mwa Keleke ya Bakreste ka nzila ifi kaufela kwanda ka. . . kono ka Libizo la “Jesu Kreste” kufitela keleke ya Katolika ha ipangiwa. Mi ba amuhela “Ndate, Mwana, ni Moya o Kenile” kuba tuto ya tumelo. Cwale amutise litaba za mina za kale, babañwi, mutise baituti ba litaba za kale. Eehe. Hakuna nto ye cwalo. Kasamulaho wa 304 A.D., 304, kwa taha kolobezo mwa bulaalu ku Mulimu, “Mulimu Ndate, Mulimu Mwana, Mulimu Moya o Kenile.” Ki buhedeni.

¹⁸⁶ Biki ye isika fela kale, Ni ka li bala mwa libuka ni ku mi bonisa ka Bibe. Lu ambola kakusasana cwana fa Sinulo, ni ku paka ko izwelezi, ni mo neikalezi kuba teni. Kukutela kwa Niti, muzwale! Lu mwa lizazi la mafelelezo.

¹⁸⁷ Mulibelele ha lu ka fita mwa keleke ya Efese yani ni kuiswanisisa ku ya Laodesia, mi mu talime sene si ezahalile mwahala zona. Mu ka bona nto yani mo ne icocomelize mwatani. Kutaha mwa lusika lwa Luther, ili, “Una ni libizo kuli wa ‘pila,’ kono u shwile.” Linzwi luli la kuli *Sardis* litalusa “kushwa.” Ne ba li latehisize mwa myaha ye mianda ye lishumi ni ye ketalizoho

ya Masika a Lififi. Yeñwi ni yeñwi ya likeleke zani ne ibulukile zeo konji ka nako yani. Mi cwale haba to ba ni katengo kaba Nicene Council mwa 606, mi kipeto ba sinya Libizo lani ni kueza Balimu ba balalu ku Lona.

188 Mi uize fa kuli, “Ki na Yana liteni, Ya liteni, ni ya sa taha, Yamata kaufela.” Luli.

189 Nana ni Butu bwa likalulo zetaalu fa lifasi. Ha Na li fa lifasi, Na li Sibupiwa sa likalulo zetaalu. Fa lifasi, Na li Mupolofita. Uteni hape mwa Lihalimu, ki Muprisita. Mi cwale Ha kuta mwa lifasi hape, Ukaba Mulena. Mupolofita, Muprisita, ni Mulena. Yana liteni, yaliteni, mi ya sa taha. “Yana liteni,” neli Jesu, yena mupolofita. “Yana liteni cwale,” ki Muprisita, inza eza litabelo za moya, ki Muprisita Yomutuna yakona kuswaliwa ka maikuto a matuku a luna, ni kuipatulula Iliyena ni kubonisa kuli U mwahala luna. Mupolofita, Muprisita, ni Mulena, kono ki Mulimu alimuñwi.

190 Ha Nali mwa lifasi, Na li Mupolofita, nali Linzwi. “Paki ye sepahala,” Biblele i Mubiza cwalo, kasamulaho nyana. Ki paki ye sepahala, ki mupolofita. Nali yena Muprisita, mi cwale . . . Ki Muprisita cwale, mi cwale Ha ka taha, U kaba Mulena.

191 Haiba muka fita kwabuse, mubale Sinulo 15:3, mwakona kubona mwa Sinulo 15:3. Halu apuleñi mwateni ni kubona Sa . . . haiba Ukaba Mulena, haiba Ki Mulena ka nako Ya taha. Cwale luya mwa Sinulo, kauhanyo ya 15 ni—ni timana ya 3.

Mi ba opela pina ya Mushe mutanga Mulimu, ni pila ya Ngunyana, bali, Misebezi ya hao ki yemituna mi ya komokisa, Mulena Mulimu Yamata kaufela; linzila za hao li lukile mi ki za sepahala, wena Mulena wa ba bakenile.

192 Nali Sikamañi mwa lifasi? Mupolofita. Kana batu ne ba zibile cwani kuli Na li Mupolofita? Na ezize lisupo za Mesia, yanali Mupolofita. Oh, kufuyolwe Libizo la Mulena! Ne ba Mu mbwinjize cwani? Kakuli ne ba libelela nto sili. Mi A eza sisupo sa Mesia, mi ne ba si ka li lemuha. Na li Mupolofita.

193 Mushe ali, “Mulena Mulimu wa mina uka zusa Mupolofita yaswana sina na. Ku ka ezahala kuli ha ba sa utwi Mupolofita yoo, ba ka bulaiwa mwahala sicaba.”

194 Nali Mupolofita mwa lifasi, cwale, kakuli Nali sikamañi? “Paki ye sepahala ya Linzwi la Mulimu.” Amen. Nali Linzwi la Mulimu le li bonahalile.

195 Muhalalehi Joani, kauhanyo ya 1.

Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu.

Mi Linzwi a ezwa nama, a to yaha ku luna, . . .

196 Nali paki ye sepahaal mi ya niti kwa Linzwi la Mulimu la Kuyakuile. Nali yena Linzwi, nali Linzwi la Mulimu. Mi, kakuba Linzwi, Nali Mupolofita. Kakuli Linzwi la Mulimu ne li fita ku Yena. Na lukela fela kubulela Sika. “Hakuna se ni kona kueza ka na Ninosi, kono konji seo Ndate a Ni bonisa kueza. Ha ki Na yaeza misebezi. Kono ki Ndate ya pila ku Na, Ya eza misebezi. Na ni Ndate lu Alimuñwi. Ndate u ku Na,” ki Jesu yoo, Mutu, ili Tabernakele.

197 Mulimu una ni malumbatina amañata: Jehova, Jehova-Jire, -Rafa, Manasse. Oh, ki amañata! Una ni mabizo akwanile a sebene, a ku liulula ka ona. Una ni malumbatina amañata: Palisa ya Sharoni, Mulilima wa mwa Libala, Naleli ya Lilungwe; Ndate, Mwana, Moya o Kenile. Kaufela zeo. Kono Una ni Libizo li liliñwi la butu. Mulimu nana ni fela Libizo li liliñwi, mi lani neli “la Mulena Jesu Kreste.”

198 Ha Na pepilwe, Kreste, ili Mulena. Mazazi a ketalizoho ka amalalu kasumulaho, Moya o Kenile wa biza Libizo la Hae kuli “Jesu.” Bo mahe ba Mu kenya mwa mupato, ni ku Mu biza kuli “Jesu.” Na pepilwe ali Kreste.

199 Sina, hane Ne ni pepilwe nili Branham. Ne nili Branham ha Ni pepwa, mi na beiwa libizo la “William.”

200 Amen. Mi Na pepilwe ali Kreste, ili Mupulusi. Mi Ha to kwanisa mazazi a ketalizoho ka amalalu akupepwa, A fiwa libizo la “Jesu.” Mi Nali Mulena wa Kanya, ya bonahalile. Kacwalo, Ki yena Mulena Jesu Kreste, Mulimu wa Kanya ya bonahalile mwahala luna. Oh, ki Yoo foo!

201 Fa lifasi, Nali Mupolofita. Mwa Kanya, Ki Muprisita. Ha taha, Ki Mulena. Oh! Na lata cwalo.

Mupolofita, “Paki ye sepahala ya Linzwi.”

Muprisita, “Ni Mali a Hae Tota fapila Mulimu.”

Mulena, “Mulena wa ba bakenile.” Isiñi mulena wa lifasi, cwale. Ki Mulena wa ba bakenile. Luna ni malena ba lifasi baba busa sicaba. Kono luna ni Mulena, hape, ni Mubuso. Kona ha lu eza lika ka kushutana.

202 Sina ha ne Ni bulezi ha ki kale hahulu, ka za musala ka, ne lu ya kwa sintolo kwanu mi lwa bona makazo, mane. Neli ka nako ya mbumbi, musali na apezi ndelesi. Mi se Nili, “Yani ki nto yenca.” Se nili, “Kambe Ni lwezi kamera yaka, Ne ni ka napula kalibe yoo.” Mwabona? Kakuli lu . . . Yani neli musali wapili yene lu boni wa sikoci, mwa ziba, yana apezi sina kalibe mwa lukela kubela, basali kaufela.

203 Mi ali, “Kihande, ki sikamañi seo, Bill, kuli sicaba sa hesu si tinanga, kana ki kuli luna—luna lwa laelwa?”

204 Se nili, “Ha ki sicaba sa luna. Ki sicaba sa Mulimu. Batu ba Mulimu, ba lukela kukena.”

Ali, “Kihande, kana ha ba yangi kwa likeleke nji?”

205 Se nili, “Kuna ni kezeli *kwani*, yali mwa kwaya kwa keleke yeñwi kwanu.”

“Kihande, kanti, kiñi cwalo?”

206 Se nili, “Kakuli ha si ka lutiwa ka kushutana.” Yeo luli ki niti.

207 Yeo kona keleke ya nama yeo, lu ka kena ku zona biki yee; Keleke ya moya, keleke ya nama. Kaufela zona lisweli ku kutela kwa keleke ya bomaa zona, sina Biblele mo ibulelezi, mwa Sinulo 17, bakona kueza cwalo. Basweli kukuta cwale kwa mulaho cwale, kaufela bona, baeza sina zona, ba ikonga konga. “Kihande, lu bakuli *kuli*. . . Lwa ikonga konga. Lu ba *se* mi lu ba *sani*.” Ne ku si cwalo kwa simuluho. Ku zusa mata kaufela mwa keleke ku abeya ku bishopu kamba ku pope. Mulimu u mwa Keleke ya Hae, mwahala sicaba sa Hae, inza iponahaza Iliyena mwahala puteho ni kai ni kai, cwale. Kono mwa lizazi le. . .

Abulela kuli, “Kihande, kana ha lu ma American luna?”

208 Se nili, “Batili. Lu pila fela moo, kono ha lu ma American. Luna lu Bakreste. Mubuso wa luna ki wa Lihalimu.”

209 Mi haiba bupilo bwa luna bu zwile kwahalimu Kwani, kona kuli luka eza sina cwalo. Kakuli, lu taha. . . Bupilo bwa luna buzwa kwa Sibaka se si kenile. Se si bonahala kushutana. Si apala ka kushutana. Basali ba Kwateni bana ni milili yemitelele. Mi ha ba ipenti mipende kwa lifateho. Mi—mi ha ba tini tuputula. Bona—bona ba apala likoci, ni mikanjo yemitelele ni lindelesi. Mi bana ni milili yemitelele, ni lika zeñwi. Kona kuli—kuli sibupeho sa sona, kwa halimu Kwani, si bonahalela ku luna.

210 Baana ha ba zubi, kumumuna kwani, kupuma, kuuzwa. Ba taha, mioya ya bona, izwa kwa Sibaka se si kenile, kona ye ba konisa kueza likezo zekenile, ba bizana kuli ki mizwale hamoho. Uh-huh. Kona cwalo.

211 Luna lu ba Mubuso, mi luna ni Mulena. Mi Yena ki Mulena wa ba bakenile. Mi linzwi lelili *muhalalehi* lizwa kwa linzwi la kuli “baba kenisizwe.” Mi cwale mutu ha kenisizwe, Kreste, Moya o Kenile ukena mwa pilu mi kipeto uba Mulena fahalimwa bona. Oh, mawi! Seo si lukela ku utwahala. Oh! Mi cwale sibvana se si kenisizwe ki sa Mulimu. . . Kreste, yena Mulena, Moya o Kenile, wa kena mwateni. Mi Uba. . . Mulena una ni sibaka sa Hae. Amen. Mi sibupeho sa mina kaufela si busiwa ki Mulena wa ba bakenile. Ki Mubuso! Mubusi ufi kaufela mwa lifasi u ka nyanganyiswa, u ka pwacaulwa ka mata a atomic. Kono Biblele ibulela kuli, “Lu amuhezi Mubuso o si ke wa nyanganyiswa.” Amen. Ki Yoo foo, ki Mulena wa ba bakenile.

212 Ni bata kuli mu lemuhile lisupo za Kreste, hape, mwa Biblele ni fa lifsi faa. Fa lifasi, Na li Mupolofita. Mwa lumela cwalo? [Kopano ili, “Amen.”—Mu.] Mupolofita ki Linzwi. Lwa ziba

cwalo. Linzwi la kuli *mupolofita* litalusa kuli “ki mutoloki wa bulimu wa Linzwi.” Linzwi la bulimu li ñozwi, mi mupolofita una ni Moya wa Mulimu mwahala hae. Mi, mwa ziba, mupolofita mwa Testamente ya Kale na bizwa “mulimu.” Ki ba bakazi baba ziba cwalo?

²¹³ Jesu naize, “Haiba ne ba ba biza kuli balimu. . . Kana ha ku si ka ñolwa mwa mulaho wa mina, kuli ba cwalo, ‘Mu milimi mina’? Mi haiba ne ba bizwa kuli ‘balimu,’ bao Linzwi la Mulimu litahile ku bona, ili mupolofita, cwale Na mu ni nyaza cwani ha Ni bulela kuli Ni Mwana Mulimu?”

²¹⁴ Kakuli, na bizwa kuli “mulimu,” kakuli na lwezi Linzwi la Mulimlu mwahala hae, KISONA SA BULELA MULENA. Kabakaleo, linzwi lelili *mupolofita* litalusa, “mane—mane toloko ya hae ha i lukeli ku zwakana.” Mwabona? Haiba nji Mulimu. . . U bulela kuli, “Haiba kuba ni alimuñwi mwahala mina, yali wa moya, kamba mupolofita, Na Mulena ni ka amboal ku yena. Sa bulela ha si to ezahala, kona kuli mu muutwe, kakuli Ni inzi ku yena. Kono ha li sa ezahali, kona kuli musike mwa mu utwa; Ha ni si ka mu luma.” Cwalo kona mo mu ka zibela. Mi cwale, mwa bona, toloko ya bumulimu ya Linzwi ina ni ku lumelela ni sinulo ya mafelelezo ye kwa keleke.

²¹⁵ Ki yena Mulimu, Yamata kaufela. Fa lifasi, Na li Mupolofita, ya li mbande. Ki ba bakai baba ziba kuli mupolofita u zibahala kuli ki mbande? [Kopano ili, “Amen.”—Mu.]

²¹⁶ Mbande ki nyunywani ye tiile hahulu kwa linyunywani ze lunani, i tiile hahulu. Zeñwi zani mafufa azona akona ku namuluha liñokolwa ze lishumi ka zene, kuzwa kwa mafelelezo kuisa kwa mafelelezo amañwi. Ya kona kufufa hahulu mwa halimu kuli haiba nyunywani yemu ilika ku ilatelela, ika panca fela, mafufa akona ku comauha kwateni mi ika pazuha fahali tee. Kakuli kiñi? Yona ibupilwe hande. Mi ki bunde mañi bo ikaba ni bona haiya mwa mbyumbyulu kuli mane ipalelwa kubona ze isweli kueza mwahalimu mwani? Mubulela ka liito la maankoli? Mu lukela kubona liito la mbande.

²¹⁷ Maankoli yakona, kubona kuhu. Yeo ki niti. Boo kona butata bobuliteni mwahala bo maankoli kacenu. Uh-huh. Kono, Na mi bulelela, mbande ya lendenga hahulu, haiba maankoli neika lika kulatelela, ne ika shwa. Yakona ku fipelwa. Haikoni kufita mwa libaka za limbande zani.

²¹⁸ Mi hape ina ni liito, kuli wakona kubona kufita fa kuli, ha ise ifitile mwahalimu mwani. Kona kuli kona libaka Mulimu ha bizanga *bapolofita* ba Hae kuli, “limbande.” Ika fita mwahalimu mwani, mi ki mbande. Yakona bona, isali kwahule.

²¹⁹ Mi Kreste, fa lifasi, nali Mbande. Mi ha Ha shwile, Nali Muprisita, ili seo ne si Mu ezize kuba Ngunyana. Kana ku cwalo? [Kopano ili, “Yeo ki niti.”—Mu.] Mi Ha ka taha hape, Ki yena Mulena, kacwalo Yena ukaba Tau, amen, ki Tau ya lusika lwa

Juda. Amen. Yena ki Mbande, ki Ngunyana, ni Tau; amen; Ndate, Mwana, ni Moya o Kenile; Mupolofita, Muprisita, ni Mulena; Ya na liteni, yali teni, ni ya sa taha; Yamata kaufela; Alfa ni Omega, kuzwa kwa simuluhu kuisa kwa mafelelezo, Mulimu wa Kuyakuile.

220 Ni bata ku mi buza puzo, mina babañwi sicaba sesinde sa Katolika, baba bulelanga kuli, “Bwana bwa Kuyakuile bwa Mulimu; Mulimu, bwana bwa Kuyakuile bwa Jesu Krete ni Mulimu.” Mukona kubulela cwani linzwi le li cwalo? Ni mulikanyisi, yana ni tuto ya sitopa sa busebene, kono Ni ziba zende kufita zeo. Linzwi la kuli mwana lina ni kuba ni makalelo. Kona kuli Ukona kuba cwani wa Kuyakuile mi abe mwana? Kuyakuile hakuna makalelo kamba mafelelezo. Kaewalo, Hakoni kuba mwana, ali mwana wa Kuyakuile, mi hape abe ni makalelo, kakuli hakuna nto ye cwalo kuli mwana wa Kuyakuile. Mwana una ni makalelo, kona kuli hakoni kuba wa Kuyakuile.

221 Mwa bona, Yena ki yena Mulimu wa Kuyakuile, isiñi mwana wa Kuyakuile. Kanya! Yamata kaufela, Jehova-jire, Jehova-rafa, yana iponahalize mwa nama, “Ku Yena kuinzi mutalelela wa Mulimu ka mubili.”

222 Mi ka Lizazi la Pentekota, mi Siita sa Mulilo sani ha si taha fafasi fahalimwa sicaba, kikuli mu lemuhile, kuli Ne Si ikabile? Mi malimi a Mulilo aina fahalimwa mañi ni mañi wa bona. Mulilo, sina malimi, ato lula ku yomuñwi ni yomuñwi. Ki sikamañi sa na eza Mulimu? Na ikaba ili Yena mwahala Kekeke, mwahala mañi ni mañi, kufa basali, ni baana, ni bona kaufela; ne li liemba za Moya wa Hae, inza ikaba ili Yena mwahala Kekeke ya Hae.

223 Mutu ukona kutaha cwani ni kubulela kuli, “Muuna ya kenile ki pope. Muuna ya kenile ki bishopu”? Muuna ya Kenile ki Krete, ili Moya o Kenile ku luna. Mukona kubulela cwani kuli kekeke haina manzwi a kubulela? Mañi ni mañi wa mina una ni sa ku bulela. Mañi ni mañi wa mina una ni musebezi wa kueza. Mañi ni mañi wa mina una ni kulwala Liñusa. Kanya!

224 Moya o Kenile no ikabile Ili ona ka Lizazi la Pentekota. Mulimu, inza ikaba Iliyena. “Ka zazi lani muka ziba kuli Ni ku Ndate, mi Ndate u ku Na; Na ku mina, ni mina ku Na.”

225 “Zazi lani,” Moya o Kenile, “kaufela libaka, mwahala libaka kaufela, ku mina kaufela.” Amen. Ki zeo foo. Moya o Kenile una ni tukelo ya kuya kaufela Kwa lata kuya, fahalimwa mutu kaufela Yaabela kuba ku yena. Ha mu lukeli kwamuhela sa bulela bishopu yomuñwi kamba muprisita yomuñwi. Yena ki yena Muprisita wa luna fela, luli, ki Muprisita Yomutuna. Cwale: Mupolofita, Muprisita, ni Mulena.

226 Cwale:

Mi . . . Jesu Kreste, yali paki ye sepahala, . . . mweli ku baba zuhile kwa bafu, . . . (Luka fita ku zona.) . . . mi mulena wa malena a lifasi. Ku yena ya lu latile, ni ku lu tapisa kwa libi za luna mwa mali a hae tota,

227 Linzwi lelili *kutapisa* foo, kaniti, mwa Sigerike, litalusa kuli “kutumulula.” U lu tamuluzi kwa . . . Ne lu tamelezwi kwa lifasi, ka sibi sa luna. Ne lu sa boni, ne lu sa utwi, nelusina munahano wa Lihalimu kamba mane hakuna. Kono cwale Mali ataha fafasi, Ne li tilo puma muhala mi lwa tamuluha. Oh!

228 Ne ni balile likande nako yeñwi, ki . . . lakona ku kwana hande mwahali mo. Mulimi na sweli liñwalala mi a li tama. Ki ha bulela kuli, “Ni ka luta mañwalala amañwi tuto.” Kacwalo a tama liñwalala lani, ni kwa lihutu, ka muhala, mi nyunywani ya batu ne ibata kubulaiwa ki tala. Ne se ifokozi hahulu, mane ne ipalelwa kuzamaya.

229 Sani kona, zeñwi za likopano ze ni likeleke, litamile batu. “Haba koni! Kihande, *foo* kona fahule fela fo mukona kuya. Mazazi a limakazo a felile.” Eehe. U beilwe kale ya lukile. Ku felile. “Hakuna nto ye cwalo yakuli Moya o Kenile. Ha sa bulela ka malimi sina mwa Na bulelelanga.”

230 Ki yena Mulimu. “Yena wa swana maabani, kacenu, ni kuyakuile,” Maheberu 13:8, wa pila mwahala likeleke kaufela. Lu ka fita ku zona kasumulaho wa kakusasana cwana. Mwabona? Yena ki Mulimu, ya pila mwa lusika lwa keleke lufi kaufela. Ukana apila mwa lusika lwa keleke kaufela, mi uka pila mwa sicaba sa Hae sina . . . kwa Kuyakuile. Kakuli luna ni cwale, mwahali ku luna, Bupilo Bobusafeli.

231 Kacwalo, kopano ye ne imutamile fafasi, mwabona, “Kihande, mazazi a limakazo a felile. Hakuna nto ye cwalo kuli foliso ya Bumulimu.” Nyunywani ya batu ya hat ahata kufitela iziyeleha mane ni kupalelwa kuzamaya.

232 Mi zazi leliñwi ne ku na ni muuna yomunde ya na fita, mi ki hali, “Mwa ziba, ona liñwalala ka kale lani, Na li utwela makeke. Hakulata mwendi, ne li icela fela bubeke bwa mbonyi, kono cwalo kona mo li ipiliseza. Lina ni kuba ni sa kuca. Kona kuli ne li sa zibi zeñwi hape, ne liinzi fela kwande kwani inge liicela mbonyi. Kona kuli . . .” Mi ki hanga . . . a comola tipa ya hae ni ku puma muhala kutumulula liñwalala.

233 Mi mwa ziba, se ku taha mañwalala amañwi, ataha fateni, ali, “Taha iitise, Johnny Liñwalala. Halu ye kwa Mboela. Salami sa taha.”

234 Mwa ziba kana? Liñwalala lani lafufa kapili mo ne li kona kufufela ni kuya. Mi lali, “Ha ni koni. Ha ki, zeo ha ki za luna fela mwa lizazi le. Luna—luna ha lukoni fela kuezwa cwalo.” Mwabona? Ne li tamelezwi fa nako yetelele, kufitela li hupula kuli ne li sa tamelezwi. Mwabona?

235 Mi cwalo kona mo bainezi ni batu ba bañata, mu tamilwe kwa lituto za litumelo ni likopano, kuzwa ku maa mina wa kale wa lihule kwa mulaho kwani, ya mi bulelela, kuli, “Jesu Kreste ha swani. Mi hakuna nto yecwalo ya kuli foliso. Hakuna kolobezo ya Moya o Kenile. Hakuna lika ze swana sina zeo.” Ba lika ku mi bulelela ka zona. Mu tamilwe fa nako yetelele hahulu kufitela mu nahana kuli mu sa tamilwe.

236 Muuna yomunde, Kreste, na file Mali a Hae kuli Akone ku lu tapisa ni ku lu tamulula kwa sibi sa luna. *Sibi* ki sikamañi? Ni ka kupa yomuñwi ani bulelela. Sibi ki sikamañi? Sibi ki “kusalumela.” Yeo ki niti. “Ya sa lumeli u sa atuzwi kale.”

237 Mi sibi sa hao kona nto inosi fela ye ku paleliswa kuba ya lukuluhile. Kakuli Mulimu u ku tamuluzi kwa ku sa lumela kwa hao, kono u sa tamilwe hahulu ni lituto za bulapeli kufitela u nahana kuli u sa li ya tamilwe ona cwalo. U bulaiwa fela ki tala, mwabona, inge u tangatanga fela, “Ni wa Presbyterian. Ni wa Methodist. Ni wa Baptist. Ba ni bulelela kuli (Ni wa Church of Christ), ‘Mazazi a limakazo a felile. Hakuna nto ye cwalo.’”

238 Wena liñwalala le li shwile tala la mubotana tuwe! Kiñi hausike kutaha kakusasana cwana? Kiñi ha u sa fufi? Haleluya! “Zuha ka mafufa a kakusasana, mi ufufe ni Lizazi la Kuluka, ni foliso mwa mafufa a Hae.” Amen. Kona cwalo. Kona cwalo, muzwale, kezeli. Oh! “Ya tamuluzwi ki Mwana kuli alukuluhe, u lukuluhile luli.” Eeni, sha!

239 “Kihande, mulisana waka . . .” Hakuna se si maswe ka zeo. Bible ibulezi kuli, “U lukuluhile.” Yeo ki niti. U lu lukuluhile.

“Keleke ya ka . . .”

240 Kihande, aku tamuluhe. “U lu tapisize ni ku lu tamulula kwa likopano za luna, mwa Mali a Hae Tota,” mi u lu lukuluza kuli lukone kuinahanela za luna, ni kuikezeza za luna, ni kuikambolela za luna, ni kuikezeza za luna bañi.

241 “Kihande, haiba Ni kuta ku yo bulelela mulisana wa ka kuli Ni nani ku kolobezwa sinca, u ka . . .”

242 Ku cwani ka za kuli, “U lukuluhile”? Ye ki sinulo, mwa ziba. Ku lukile. U lu kuluhile.

243 Haiba ukile wa fafalezwa ka tuzwai nyana nyanganya sina *cwana*, ka libizo la “Ndate, Mwana, ni Moya o Kenile,” ki le lisa liteni faa, li libelezi kakusasana cwana, lina ni mezi ku lona. Mwabona? Eeni, sha. Ha ki nto ye lukile.

244 Kaewalo, ha mu si ka tamwa ni hanyinyani. Mu lukuluhile, kono mwendi ha mu zibi cwalo. Kono alubone ni ku bulelela kakusasana cwana, Bible ibulezi kuli, “U lu tamuluzi kwa libi za luna, ku salumela kwa luna, kuli lukone ku amuhela Sinulo ya Jesu Kreste.” Ikele kobata, u lukuluhile! . . . una ni kunga se ibulela keleke ifi kaufela ka Zona. Unge za bulezi Mulimu ka Zona. Ki se fa Sinulo ya Hae ipatulula Yo ali Yena.

245 “Ne ni lumelanga kuli Mulimu Ndate nana ni mulelu omutelele, o musweu, ni milili yemisweu; ni Mwana neli muuna wa lilimo za mwa bunca; mi Moya o Kenile neli mushimani wa kulumanga fela.” Muzwale, bwani ki buhedeni. Boo ki buhedeni haiba u lumela mwa Balimu ba balalu.

246 Ona Mulao wa pili luli, Mulao wapili ki o cwani? “Utwana wena, Isilaele kaufela: Kina MULENA Mulimu wa hao, Mulimu alimuñwi.” Kona cwalo.

247 Yena ki Mulimu alimuñwi, isiñi balimu ba balalu. Na pila mwa liofisi ze taalu, na tala libaka zetaalu. Yena ki Mupolofita, Muprisita, ni Mulena. Yena ki Mbande, Ngunyana, ni—ni Tau. Ki yena Mulilima wa mwa Libala, ni Palisa ya Sharoni, Palisa ya mwa Libala, ni Naleli ya Lilungwe, Situndo ni Mubisi wa Davida. Yena uzwa kwa A kuisa Z. Ki yena Ndate, Mwana, ni Moya o Kenile. Ki yena zeo kaufela, kono Ki Alimuñwi. Yena ki Mulimu alimuñwi. Zo ki malumbatina a Hae a zamaya ni Yena, kono kuna ni fela Mulimu alimuñwi.

248 Kwa li kuba mutu, mwa likepe lifi kaufela la Bible kamba mwa litaba za kale, ku to fita nako ya keleke ya Katolika, ya kile a kolobezwa ka kucimbekiwa ka libizo la “Ndate, Mwana, Moya o Kenile.”

249 Haiba mu ni bonisa likepe lifi kaufela kamba sika kaufela, mu ñole, mu ni tomele zona fa, busihu cwana, mi Ni ka zwa mwa keleke mo, ni bulele kuli, “Ni muipi; Ni lutile sicaba lika ze fosahalile.” Haiba mwakona ku ni bonisa Liñolo li liliñwi, kamba ku ni tiseza taba iliñwi ya za kale, taba ya kale ye pakilwe hande, ye ka ni bonisa kone ku kolobelelizwe sicaba seo, mwa Bible, ka libizo la “Ndate, Mwana, Moya o Kenile.” Kamba, mu ni tiseze Liñol- . . . kamba, neba buka iliñwi ya litaba za kale, likepe lililiñwi, litaba nyana fela mwahala za kale, koo mutu kaufela akile a kolobezwa ka libizo la “Ndate, Mwana, Moya o Kenile,” kufitela kwa katengo a ba Nicene Council ka keleke ya Katolika. Taha, ni tiseze zona; mi Ni ka comeka sisupo mwa mukokoto waka ni zamaye mwa Jeffersonville kaufela, ni mina kwa mulaho mutaha ni lunaka, lwa mota inze mu liza. Ni ka ñola kwa mukokoto kuli, “Ni mupolofita wa buhata, ni lyanganisa sicaba.”

250 Mi, mulisana, haiba uteni mo kakusasana cwana, ya bata kueza cwalo, u ni lumeleze nina ni ku eze cwalo. Mwabona? Utahe, u ni bonise. Kono mwa saba.

251 Cwale, ki sikamañi seo? Ye ki Sinulo. Ye kona Sinulo. Mi wo ki Moya o Kenile, Kreste, ya luma Liñusa la Hae kwa likeleke. Mu Li utwe. Mu Li utwe. Seo kona se i luta Bible.

252 Ne li kenezi kai? Haiba hamuna ku nyema, mu ikele, mwahala biki kaufela, mina—mina tutengo twa Nicene Council. Munge buka yeli Hislop’s *Two Babylons*. Munge . . .

253 Cwale, litaba za kale za Josephus li lukile, kono na ñozi fela siemba nyana ka za Kreste, ali, “Nekuna ni muuna wa libizo la Jesu yana fumaneha kwa ni kwa, inge a folisa batu. Mi—mi a shwa, kamba, batili, Pilato a mu bulaya, mi—mi, kamba neli Heroda, kamba a muisa kwa lifu. Mi cwale balutiwa ba yo uzwa mubili wa hae, ni ku upata. Mi cwale busihu ni busihu ba yo sehululanga siemba ni siemba sa ona ni ku uca.” Ali, “Ne li bo muca batu.” Kacwalo, ne ba sweli kuca mulalelo, mwa bona. ki ngana ya nama yeo! Josephus ha ki mutu wa kuteeleza.

254 Kono hamunge buka yeli *Foxe’s Book Of The Martyrs*. Kuna ni mayemo a kateleha. *Foxe’s Book Of Martyrs*, ki ba bakai baba ibalile fateni? [Kopano ili, “Amen.”—Mu.] Luli. *The Pember’s Early Ages*, kamba—kamba Hislop’s *Two Babylons*, kamba—kamba ki yeñwi yena ni mayemo hande. Kamba, mane—mane yetuna hahulu ku ze lunani ki yani ya ba Nicene Council, ili yalitaba za makalelo a—Nicene Council ni ya Nicene Council. Mi mu ka fumana mwahali mwani, kuli ha ku si ka bulelwa, nahaiba mutu alimuñwi.

255 Munge Mañolo a Kenile mi mubone haiba ku kile kwaba fateni mutu mwa Bibebe ya kile a kolobezwa, ka kuitusisa malumbatina a, libizo la “Ndate, Mwana, ni Moya o Kenile.” Zeo libonisa balimu babalalu. Ki za mukiti wa sihedeni. Mi Bukatolika ha ki sesiñwi mwa lifasi kono konji—konji mufuta wa buhedeni bwa Sikreste. Mi kuzwa mwa keleke ya Katolika kwa zwa Martin Luther, John Wesley, Baptist, Presbyterian, ni babañwi cwalo.

256 Kono mwa mazazi a mafelelezo neku tomilwe sikwalo kwani, sani sa to kwalula Niti hape, kuli, “Ki Bibebe yebulezi cwalo,” mi ni mupolofita yomutuna kaufela ya na lukela kutaha mwa lifasi mwa mazazi a mafelelezo. Mi lu lumela kuli wa taha. Cwale. U kaba ni Keleke. Cwale, lu ka bona se, cwale.

257 Cwale, muhupule, ye kona Sinulo. Hamukoni ku zwisa sika ku Yona. Cwale, ha ki kangisano ni yeo! Mufumane mutu alimuñwi mwa Bibebe, sibaka silisiñwi ko ne ba kile ba kolobezwa mutu ka libizo la “Ndate, Mwana, Moya o Kenile,” kamba neba ku fafaleza mutu mezi, mufumane zeo mwa Bibebe, kwa swalelo ya libi za bona. Bali kuba. Mi mutu ufi kaufela, hakuna taba kamba na kolobelizwe cwani, nana ni kutaha ku to kolobezwa sinca, hape, ka Libizo la “Jesu Kreste,” kuli a amuhele Moya o Kenile.

258 Likezo 19, “Paulusi na sweli kupotela mwa libaka ze lumbile za Efese, afumana balutiwa babañwi mwatani.” Mi ali, “Balutiwa.” Inge bana ni mukopano omutuna. Ne ba latelela muuna wa libizo la Apollos, ya nali muyemeli wa mulao yana sa bakile; wa Baptist yana lumezi ku Joani Mukolobezi, mi na nza ba bonisa ka Mañolo kuli Jesu ki yena Kreste.

259 Paulusi ha fita a bona Aquila ni Priscilla, mwa kauhanyo ya 18 ya Likezo. Mi ki ha ya kwa kuba ni mulaleo, kamba nto yeñwi cwalo, ni Aquila ni Priscilla. Ba mu bulelela ka za muuna yomutuna yoo. Ba yo mu utwa. Amu teezeza busihu bwani. Mi ali, “Ki yomunde luli. Zeo ki zende luli. Ki nto yende. Kono,” ali, “kana mu amuhezi Moya o Kenile nako ye mu lumela?”

260 Kucwani ka ba Baptist ba kwa mulaho kwani, mu lumela kuli ne mu amuhezi Moya o Kenile nako *ye mu* lumela?

Mi ali, “Kana mu amuhezi Moya o Kenile nako *yemu* lumela?”

Yomuñwi ali, “Zani ne li si ka ñolwa mwateni.”

261 Na hanyeza zeo. Nina ni Sigerike se si namile hande ona fa, ni Siheberu, hape. Bibeles ibulela cwalo mwa Sigerike, hamoho cwalo, ni Siheberu, mi hape ni mwa si Aramaic. Mwahala zona zetaalu kaufela, Nina ni zona ona fa cwana, zeo ki kuli, “Kana mu amuhezi Moya o Kenile nako *yemu* lumela?” Yeo ki niti. “Kana mu amuhezi Moya o Kenile nako yemu lumela?”

262 Cwale, na ize, “Ha lu zibi kamba kuna ni Moya o Kenile.”

Mi ki hali, “Mu kolobelizwe cwani he?”

263 Se bali, “Lu kolobelizwe kale ka muuna ya na kolobelize Mulena Jesu Kreste. Lu kolobelizwe ka kolobezo ya Joani,” hakulata neli mwa sibaka sa mezi a swana, mwendi, “ka muuna yaswana.”

264 Paulusi ali, “Zeo halina kubeleza. Na kolobelize feela kwa kubaka, isini kwa swalelo ya libi.”

265 Cwale, mina babañwi ba sicaba sa Oneness mu tahanga ni—ni ku kolobeza cwalo, ao ki mafosisa. Mu kolobeza cwalo kwa, kubaka. Mezi a pilisi mutu; ki Mali, kubaka. Ha ki ka kolobezo yetisa kwa kufetulwa. Batili, sha. Kufetulwa ku taha ka Moya. Kolobezo ki—ki musebezi wa kwande kupaka cincheo ya mwahali ya musebezi o ezahalile. Mwabona? Ku lukile. Mulemuhe.

266 Na ize, “Kikuli mu amuhezi Moya o Kenile nako ye mu lumela?” Se bali . . .

Mi ali, “Ha lu zibi kamba kuna ni Moya o Kenile.”

Mi ali, “Nemu kolobelizwe cwani?”

Bali, “Lu kolobelizwe ku Joani.”

267 Mi ali, “Joani ka niti na kolobelize kwa kubaka, kuisa kwa kubaka, abulela kuli ‘mu lukela kulumela ku Yena,’ yena Ngunyana, Sitabelo ne si na ni kutaha, ku Mulena Jesu Kreste.” Mi ba si no utwa Cwalo, ne ba kolobelizwe hape ka Libizo la Jesu Kreste. Mi Paulusi aba beya mazoho ba amuhela Moya o Kenile, mi ba bulela ka malimi ni kupolofita.

268 Ha mu ni bulelela haiba haki Mañolo ao, mi mu ni bonise kai kaufela, koo mutu ufi kaufela akile a kolobezwa ka nzila isili

fela mwa Testamente ye Nca kono konji ka Libizo la Mulena Jesu Kreste. Mu ni bonise.

269 Muhalalehi Agabus ni babañata, nekuna ni babañwi cwalo, bene ba kolobelizwe cwalo kufita ka nako ya—nako ya—ya ba Nicene Council, mi yomuñwi ni yomuñwi wa bona a kolobezwa ka Libizo la Jesu Kreste. Babuleli ba linzwi ne ba limile masimu a bona ka Libizo la Jesu Kreste.

270 Kono cwale ha ku to taha katengo ka ba Nicene Council, ba to ba ni balimu ba balalu. Ba nga Paulusi. . . kamba kuzwisa fateni Jupiter, ni kubeya fateni Paulusi. Ba zwisa fateni Venus, ni kubeya fateni Maria. Nebana ni mifuta ya balimu kaufela, mifuta kaufela ya ba bakenile ni lika zeñwi kaufela, mi bapanga kolobezo ya mayemo amalalu ni ku ifepa kwa Baipanguli. Mi i sa ba mizeleza.

271 Kono Maseli a manzibwana atile cwale. Mupolofita naize, “Kukaba Liseli mwa nako ya manzibwana.”

Kuka—kuka ba Liseli ka nako ya manzibwana,
Nzila yeliba kwa Kanya muka ifumana luli;
Mwa nzila ya mezi, kuna ni Liseli kacenu,
Mupumbekwe mwa Libizo lelinde la Jesu.
Banana ni ba bahulu, mubakele libi za mina
kaufela,
Moya o Kenile uka kena mwateni luli;
Maseli a manzibwana atile,
Ki niti ya kuli Mulimu ni Kreste ki Alimuñwi.

272 Mwa lumela Cwalo? [Kopano ili, “Amen.”—Mu.] Pitrosi nabulezi, ka Lizazi la Pentekota kuli, “Taba ye izibahale, mwahala mina, ba ndu ya Isilaele, kuli Mulimu uezize yena Jesu yaswana, Yo mu kokotezi fa sifapahano, kuba Mulena ni Kreste;” timana ya 16 mwa kauhanyo ya 2. Eeni. “Mulimu uezize yena Jesu yaswana yoo, Yo mu kokotezi fa sifapahano, kuba Mulena ni Kreste. Ba ndu ni ndu kaufela ya Isilaele muzibe, ka niti.”

273 Ne ni ambola ni Mujuda ha ki hale hahulu, kwanu kwa House of David, naize kuli, “Mina Bamacaba hamukoni kupumaka Mulimu mwa liemba ni ku Mu tambeka Mujuda. Lwa ziba hande ku mi fita.”

274 Se nili, “Yani mane ki, Rabbi. Ha lu pumankangi Mulimu mwa liemba zetaalu.” Se nili, “Wa lumela mwa bapolofita nji?”

Ki hali, “Luli.”

Se nili, “Wa lumela mwa Isaya 9:6?”

Ki hali, “Eehe.”

Se nili, “Mupolofita na sweli kuambola za mañi?”

“Mesia.”

Se nili, “Ki tamahano mañi ya kaba ni yona Mesia ku Mulimu?”

Ki hali, “U kaba Mulimu.”

Se nili, “Yeo ki niti.” Amen.

Mwabona, ki fo he cwale. Mwabona, hamukoni ku Mu shabaka mwa liemba zetaalu.

²⁷⁵ Haiba mina bahasanyi ba linzwi kwanu. . . Alimuñwi wa bona utaha kwanu kwa Majuda, Na lumela, muuna yo ya inzi *faa*. Musike mwa lika kufa Mujuda lika zakuli “Ndate, Mwana, ni Moya o Kenile.” U ka mi bulelela kapili, wa ziba ko li zwelezi zeo, “The Nicene Council.” Haana kuteeleza ku zeo. Kono mu mu bonise foo Mulimu na ezelizwe nama, ni kuli ki Yena Mulimu fela alisoni ya liteni. Mulimu, ya ezizwe nama mi apila mwahala luna, ku to lu kenisa; kuisa kwahule, kuli Yena Kasibili akone kutaha mwa mufuta wa Moya o Kenile. Mulimu, yena Ndate, Moya o Kenile, ki Mutu yaswana.

²⁷⁶ Bibebe ibulezi kuli mwa—mwa masika a Jesu Kreste, mwa kauhanyo ya 1 ya Mateu, I bulezi kuli, “Abrahama apepa Isaka. Isaka apepa Jakobo.” Ni kushetumuka cwalo, ili, mi mwahala. . . Ha lu boneñi ni ibale, mi cwale mu ka ziba hande ze Ni ambola ka zona. Mateu, kauhanyo ya 1. Mi luka. . . Cwale ha lu kaleleñi fa timana ya 18.

Cwale kupepwa kwa Jesu Kreste ku tahile ka mukwa wo: Mahe. . . Maria ha na beelelizwe ku Josefa, ba si ka taha kale hamoho, afumanwa ana ni mwana wa. . .

²⁷⁷ “Mulimu Ndate””? Kana kona mo ibalela cwalo? [Kopano ili, “Batili.”—Mu.] Afumana ana ni Mwana wa Mañi? [“Wa Moya o Kenile.”] Wa. . . [Hakuna manzwi fa tepu.] Ne ni hupula kuli Mulimu Ndate ki yena Ndata He? Mi, Mulimu, yena Ndate ni Moya o Kenile, ki Moya o swana, kamba Nana ni bo ndatahe ba babeli.

Cwale Josefa muuna hae, kakuli ne li muuna ya lukile, . . . a sa lati ku mu swabisa ku ba bañata, ahupula ku. . . mu lisela kwa tuko.

Kono ha sa kengeyela fa lika ze, amubone, lingeloi la Mulena la taha ku yena mwa tolo, lali, Josefa, wena mwana Davida, si sabi. . . ku ikungela Maria musala hao: kakuli sa itwezi ki sa. . .

²⁷⁸ “Mulimu Ndate””? Huh? [Kopano ili, “Batili. ‘Sa Moya o Kenile.’”—Mu.] “Sa Moya o Kenile.” Kona kuli ki mañi ya nali Ndatahe Jesu Kreste? [“Ki Moya o Kenile.”] Ki Moya o Kenile. Ki sikamañi Se sili mwahala mina? [“Ki Moya o Kenile.”] Kihande, yani ki yena Mulimu, yena Ndate, hape. Nji Cwani? [“Amen.”] Luli.

Mi u ka pepa mwana mushimani, mi uka mu beya libizo la JESU: . . .

²⁷⁹ *Kiyo* fa Mulimu Ndate, *kiyo* fa Mulimu Moya o Kenile, hape *kiyo* fa Mulimu Mwana, mwabona, bao ki Balimu ba balalu.

Bibele ha ibuleli cwalo. Zepeli ze lina ni kuba nto yeswana, kusi cwalo Nana ni bo ndatahe bababeli. Mwabona? Hakoni kuba ni bo ndatahe bababeli. Mwa ziba cwalo.

Cwale, u ka pepa mwana mushimani, mi ba ka mu beya libizo la JESU: kakuli uka pilisa ciaba sa hae kwa libi za sona.

Cwale zeo kaufela za ezahala, kuli ku talelezwe se ne si bulezwi ka Mulena ka mupolofita, haali,

. . . mwlanjo uka ba fa mezi amanca, mi apepe mwana mushimani, mi ba ka mu beya libizo la Emanuele, ha ku taluswa ki kuli, Mulimu una ni luna.

280 Yeo ki kauhanyo ya 1 ya Mateu.

281 Mateu 28:19, mwa na bulezi Jesu kuli, “Muye, mu ba kolobeze ka Libizo la Ndate, Mwana, ni Moya o Kenile.” Libizo la Ndate ki sikamañi, Mwana, Moya o Kenile? [Kopano ili, “Jesu Kreste.”—Mu.] Jesu Kreste, eeni sha.

282 Mu kile mwa bala fateni likande la lilato, lelili, “John ni Mary ba pila ka tabo kasamulaho.” John ni Mary ki bomañi? Mukutele kwa makalelo a likande, mi mufumane.

283 Haiba hakuna nto ye cwalo, hakuna libizo la kuli, “Ndate, Mwana, kamba Moya o Kenile,” kona kuli Kimañi, ki Libizo la Mañi? Mukute kwa mulaho, kwa makalelo a likande, mi mubone Ya Na bulelwa.

284 Pitrosi, ka Lizazi la Pentekota, naize, “Mubake, mañi ni mañi wa mina, mi mu kolobezwe ka Libizo la ‘Jesu Kreste kwa swalelo ya libi za mina.’ Nana ni sinulo.

Joani nana ni sinulo.

285 Jesu *neli* yena Sinulo, Na itahisize Iliyena hande mwa Mañolo moo, “Kina ya Na liteni, ya liteni, ni ya sa taha, Yamata kaufela.” Whew! Ku lukile.

286 Cwale, ha lungeni timana yabu 7, ona kapili cwale, lu si ka zwa kale, kapili fela mo lu konela.

. . . Yamata kaufela.

. . . bulen- . . . kanya ni bulena kamita ni mita. Amen.

Mi . . . u luezize malena ni buprisita ku Mulimu . . . Ndatahe; mi ku yena kube kanya ni bulena kamita ni mina. Amen.

287 Mwa bona sinulo yeo foo, mo I patululezwi? Kamo Mulimu . . . Baana ba iñwaya mwa litoho ni ku kumaula milili, ni lika zeñwi, ka kulika kufumana kuli “Ndate, Mwana, Moya o Kenile” ki ufi, kuezza zetaalu, ku alimuñwi.

Musike mwa kumaula milili ya mina ni ku iñwala mwa litoho. Amu inuke fela. Sinulo izwelela kwa Lihalimu. Mi yeo

ki niti. U ka patulula, ha ki “Ndate, Mwana, ni Moya o Kenile.” Ki liofisi zetaalu za na pila ku zona Mulimu alimuñwi.

288 Ne li mwa ofisi ya, “Moya,” ka Yena anosi, kakuli mutu usweli ku shetumuka. Mi Aikeza Kuba mubili, apila ku ona, kuli Atahise Mali a hae Kasibili; isiñi ka foso ya nama, sina mo ne kubezi mwa simu ya Edeni, kono kutahisa mubili o kona kubupa lika. Mi ka mubili ono pepilwe ki mwalanjo wani, A fa Mali ana lu kenisize kwa ku sa lumela kwa luna, kuli lu lumele ku Yena. Mi, ha lueza cwalo, lwa Mu amuhela mwa lipilu za luna, yani ki Mulimu mwahali ku luna; Mulimu: Ndate, Mwana, ni Moya o Kenile. Mwabona? Ki Mupolofita feela, Muprisita, ni Mulena, yeo ki nto yeswana feela. Kulukile.

289 Cwale, timana ya bu 7, ye kona zibiso. Zibiso ki ya kuli:

Amubone, u taha mwa malu; mi liito kaufela li ka mu bona, . . . ni bona baba mu tabile: mi ni masika a lifasi kaufela aka lila kabakala hae.

290 Oh! Luna ni nako yekuma kai? Zeo ki zende foo. Kikuli mwakon ku itiisa nyana ka mashumi amal- . . . mizuzu ye mashumi amabeli? [Kopano ili, “Eeni.”—Mu.] Kana mwakona? [“Amen.”] Ku lukile. Cwale, he, kamuso . . . Busihu boo, lu ka lika kuswala ze siyezi za *Pono Ya Patmosi*, busihu boo. Kacenu, lu ka yemela fa zibiso.

291 Oh! Mwa ikutwa hande kana? [Kopano ili, “Amen.”—Mu.] Mwa ilata Biblele ya kale nji? [“Amen.”] Ki yona Sinulo. Sikamañi, ki sikamañi seo? Mulimu ufita fafasi, mwa Buka ye, ni ku apula kwateni lisila, uli, “Ki Yani fani: Mupolofita, Muprisita, Mulena; Ndate, Mwana, Moya o Kenile; Yana liteni, ya teni, ni ya sa taha. Lika ze kaufela, Ki yena Mulimu.”

292 Cwale, ha lu apuleni kwateni lisila, ka mizuzu yelikani feela cwale, Mulena uka lu tusa, lu zwise kapai kwa meeo a luna. Mi lunge . . .

Amubone, u taha ka mali; . . .

293 Cwale, U taha cwani? “Ka malu.” Ki lilu la mufuta mañi? Malu a kanya. Ha ki malu a pula ye palakata, a pula, kono ki malu a kanya.

294 Mu ka bona mufuta wa lilu la Na apesizwe ka lona fani Pitrosi ni babañwi ha ba bona pono ya Hae fa Lilundu la Petuho, lilu la Mu kwahela. Sapalo sa Hae sa benya. Na apesizwe ki lilu, ili mata a Mulimu.

295 Oh, lwa fita ku zeo, mwa masika a likeleke aa. Na mi bulelela, fela za—za ni tikinya mwahali a buino bwaka, ha ni nahana ka zona. Ka za kutaha kwa Hae. . . Ni bona zazi le lu pila ku lona le, ko kusina sika, ko kusina sepo ye siyezi kwanda Kutaha kwa Hae.

296 Cwale lu ka nga se kapili. Cwale muhupule.

. . . liito kaufela li ka mu bona, . . .

²⁹⁷ Cwale, kwani ne si Kuungelwa, kanti. Nji kona? [Kopano ili, “Batili.”—Mu.] Mwabona? Ne si Kuungelwa. Ne si Kuungelwa. Ki sikamañi sa Na bulela ka sona? Neli Kutaha kwa bubeli.

. . . ni bona baba mu tabile: ni masika kaufela a lifasi aka lila kabakala hae.

²⁹⁸ Cwale lu ka kuta mwa mulaho ni kushitula makande amañwi a kale. Ha lu kuteleñi ku Zakaria, mi lunge kauhanyo ya 12 ya Zakaria. Zakaria. Ku lukile.

²⁹⁹ “Mi Mulena aekeza kwa keleke zazi ni zazi babane ba piliswa.” Mo lu i tumelela kwa sinulo yende ya Jesu Kreste! Kana ha mu si ka taba bakeñisa Yena? [Kopano ili, “Amen.”—Mu.] Cwale, lu kaba ni zona ze mwa buino bwa buka kapili haiba lu kona, kwa sicaba, mi kipeto mwakona kuba ni yona, kuli muibale mwa muzuzu wa mina o kuzize ni lika zeñwi, ni kuibalisisa ka tokomelo, wena muñi. Ku lukile.

³⁰⁰ Zakaria, ki Zakaria, kauhanyo ya 12 ya Zakaria. Mi lu bata kuli, muutwe taba ye ka tapelo luli cwale. Mi Ni bata kunga ye kwa kanya ya Mulimu. Cwale, Zakaria 12, ha lu kaleleñi fa timana ya 9. Muteezeze ka tokomelo cwale. U sweli kubulela za Kutaha. Zakaria 12, mi luka kalela fa 9, mwa timana ya 9.

Mi ki ha kuba kuli. . .

Zakaria, wa polofita, myaha ye mianda yemine ni eite sebene ku si kaba kale kutaha kwa Kreste.

Mi ki ha ku ezahala ka lizazi lani, kuli Ni ka bulaya kaufela. . . linaha kaufela ze lwanisa Jerusalema. (Munahane ka zeo.)

Mi Ni ka sulula fahalimwa ndu ya Davida, ni ku ba ba yahile mwa Jerusalema, moya wa sishemo ni wa ku utwela butuku: mi ba ka ni talima na yene ba tabile, . . .

³⁰¹ Cwale, ki lili Evangeli ha ika kutela kwa Majuda? Ka lizazi la kufela kwa Bamacaba, Evangeli i itukisize, kuya kwa Majuda. Oh, Na kona, haiba Ne ni ka mi bulelela ze sa taha kwapili zenyinyani ze libelezi kuezahala fa, mwabona, ona mwa lizazi le. Mwa bona? Li libelezi kuezahala. Lu li fumana mwa Lusika lwa Keleke. Mi yona nto yetuna ye libelezi kuezahala ye, ika zwelapili ni mwa Sinulo 11 ni kunanula bapolofita ba babeli bani, Elia ni Mushe ba kutela hape kwa Majuda. Lu itukiselize zona. Lika kaufela liinzi mwa mulao wa zona, li itukisize. Ona Liñusa la Bamacaba le, sina Mjuda mo ne ba li tiselize ku Bamacaba, Bamacaba ba ka linga ku li kutiseza kwa Majuda hape. Mi Kuungelwa ku ka taha.

³⁰² Cwale muhupule, nto yetaha ye, kasamulaho wa nyandiso ya balumeli. . . Keleke haina kukena mwa Nyandiso ya balumeli. Lwa ziba cwalo. Biblele ibulela cwalo. Mwabona? Ku lukile.

303 Cwale, Uka sululela fa ndu ya Isilaele, (sikamañi?) ki Moya o Kenile o swana, mwabona, kasumulaho wa kufela kwa Keleke ya Bamacaba.

. . . mi ba ni talimela na yene ba tabile, mi ba ka lila kabakala hae, sina ya silisa mwana hae wa mweli, mi ba kaba mwa butuku kabakala hae, sina ya silila sililo sa mwana hae wa mweli.

Mi ka lizazi lani ku kaba . . . sililo se situna mwa Jerusalema, . . . ni sililo . . . mwa—mwa musindi wa Megiddoni.

Mi—mi linaha li ka lila, lubasi kaufela lu ka ikaba; ba ndu ya Davida ba ka ikaba, mi . . . ni ba ndu ya Natani ba ikale, ni yeñwi ya mandu a kaufela aka ikaba; (ha ba ka bona, ze ka ezahala, se si kanga sibaka Ha taha mwa malu a kanya, ka kutaha kwa Hae kwa bubeli.)

304 Mi cwale Majuda baba Mu tabile . . . Mwa ziba, Liñolo leliñwi li bulela kuli ba ka Mu buza, ki kai Kwa zusize litombo zee.

Mi ali, “Ki mwa ndu ya mulikana Ka.”

305 Mi mane haiba kuba fela nako ya sililo kwa Majuda baba Mu hanile, kakuba Mesia, kono ikaba nako ya sililo ku Bamacaba baba ka siyala fa, baba amuhezi . . . baba Mu hanile kuba Mesia wa bona mwa lizazi le. Ba ka bokolola ni kulila. Mwalanjo ya lobezi uka lila. Yani kona keleke ye hanile ku amuhela Oli mwa liseli la yona. Nekuna ni balanjo ba balishumi bene bazwezi kwande, kaufela neli batu babande, kono baba ketalizoho mwahala bona nebana ni Oli mwa lilambi za bona. Baba ketalizoho babañwi neli batu ba bande, batu babande, kono ba palelwa kuba ni Oli mwa lilambi za bona. “Mi ba nepelwa kwa lififi la kwande ko ku kaba ni lililo, ku bokolola, ni kukweca meeno.”

306 Ki se fa, “Ba ka bokolola.” Bibeke ibulezi fa kuli, “Ba ka bokolola, ni ku lobeha hahulu lipilu, kufitela mane . . .”

307 Fa, Ni ka mifa yeñwi, Genese 45, haiba mubata ku iñola. Ha lu fiteni ku yona fa nako nyana mi lu bale hape mwa Genese, mi . . . Na lumela, mwa kauhanyo ya 45 ya Genese. Ni bata kunga se ona fa, Josefa u sweli kuitibahaza kwa—kwa sicaba sa habo. Mi lu ka nga ye, ili kubonisa fela mufuta wa li—li lisebelezo ze ka ezahala mwa lizazi lani, mi lu ka li tamahanya hamoho.

Mi Josefa na si ka ipata si ka . . . bene ba yemi bukaufi ni yena; mi a lila, Kakuli mutu kaufela u ya . . . kuzwa ku na.

308 Cwale muhupule, Josefa, inza itibahaza, a lila, “Mutu kaufela amu ni zwe.”

Mi nekusina mutu ya na yemi bukaufi ni yena, ka nako yana sweli kuitibahaza Josefa kwa bana bahabo yena.

Mi alila hahulu: mi Maegepita ni ba ndu ya Faro ba mu utwa. (Hakulata na huwile katata.)

Mi Josefa ali kwa bahulwani ba hae, Kina Josefa; kana ndate u sa pila nji? Mi bahulwani ba hae ne ba si ka mu alaba sesiñwi; kakuli ne ba komokile ha ba mu bona.

Mi Josefa ali kwa bahulwani ba hae, Amutahe fa kaufi . . . nina, Na mi lapela. Mi ba sutelela bukaufi. Mi ki hali, Kina Josefa munyanaa mina, yene . . . mu—yene mu lekisize kwa Egepita.

Cwale he musike mwa swaba, kamba ku ikutwa bumaswe, kuli mu ni lekisize kwanu: kakuli Mulimu u ni lumezi kwanu kuli ni pilise bupilo. (Oh, ha ki bunde ni boo!)

Kakuli myaha yemibeli ye ibile . . . ni tala mwa naha: mi . . . mo ku si ke, kuba makonga kamba kutulo.

Mi Mulimu u ni lumile fapila mina ku to lukisa za kwapili mwa lifasi, ni kwa kupilisa bupilo bwa mina ka puluso yetuna.

³⁰⁹ Halubone ni bapanye seo ni Zakaria, ya bu 12, fa nako nyana fela. Cwale, lwa ziba cwalo, mwa mufuta. Haiba mu luta ka mifuta, kona kuli mukana mu kondisa lika ka nako kaufela, Na sepa, mwa—mwa mufuta.

³¹⁰ Cwale, Josefa, ha na pepilwe, na toilwe ki ba habo. Kana ku cwalo? [Kopano ili, “Amen.”—Mu.] Cwale Ni bata ku mi bonisa, Josefa u yemela Keleke yetezi Moya. Josefa na toilwe ki bahabo. Kiñi? Kakuli na li wa moya. Josefa na si ke aeza mukwa usili kwanda kubona pono. Na si ke kueza mukwa usili kwanda kulola litolo, mwabona, mi na kona kutoloka litolo. Yena, zani kona ze neli ku yena. Na sa bonisi nto isili kwanda sene si li ku yena. Kihande, mi, bahulwani ba hae ba mu toya, kusina mulatu. Kono ndatahe a mu lata, kakuli ndatahe neli mupolofita.

³¹¹ Mwabona mo ne kubezi ni Jesu? Mulimu na latiile Mwana Hae. Kono bana bahabo, ili Mafarisi ni Masaduki, ba Mu toya, kakuli Na folisa matuku, ni kubulela ze sa taha kwapili, ni kubona lipono, kutoloka. Mwabona se Ni talusa? “Ne ba Mu toile, kusina mulatu.”

³¹² Mi ki sikamañi se ne ba ezize ku Josefa? Ne ba icanganisize kuli u shwile, mi ba mu nepela mwa musima. Ba nga kubo ya hae ba isasa mali, kubo ya mibala ye sebene, yeo ndatahe na . . .

³¹³ Kuna ni fela mibala ye sebene mwa nambwamutalati. Mi nambwamutalati, lwa ziba cwalo, zeo ku la fita kuzona kasamulaho nyana, Na sepa, busihu kacenu. Ki nambwamutalati fa halimwa toho ya Hae fa, Jesu, kwa, “Na bonahala inge licwe la jasper ni sardis, ni nambwamutalati.” Nambwamutalati ki bulikani.

314 Mi bwani neli bulikani bwa Mulimu ku Josefa. Mi se ba sasa mali fa kubo ya hae, ni ku ikutisa ku ndatahe. Mi na lukela kushwa. Mi . . .

315 Kono a zuswa mwa musima ni kubeiwa fa—fa . . . a lekiwa ku Faro, yomuñwi mwa Egepita, mi mu—mu muika wa masole a mu babalela. Mi haba eza cwalo, yena, nto ye maswe ya mu tahela, mane ba mu kenya mwa tolongo. Mi mwateni a yo polofita, ni ku bulelela baana bababeli ko ku kaya alimuñwi ni ko ku kaya usili; mubeleki yomutuna mwa lapa ni—ni mubesi wa masakono, kuya ka litolo za bona.

316 Mi cwale a zwiswa mwani, kuya kwa lizoho la bulyo la Faro. Mi hakuna mutu ya na swala Faro, konji ka Josefa. [Hakuna manzwi fa tepu—Mu.]

317 Kiñi seo. Cwale, ki . . . fani Josefa a lekiwa kwa ma Egepita. Mi, mutalime, kaufela za na ezize ne li swanisisa Kreste. Mutalime mubeleki yomutuna mwa lapa ni mubesi wa masakono yani, bubeli bwa bona ne bana ni litolo. Mi Jesu, ha Na li mwa ndu ya tolongo ya Hae. Muhupule, Josefa na li mwa tolongo. Mi cwale Jesu ha na li mwa tolongo ya Hae, (cwani?) na kokotezwi fa sifapahano, kwa piliswa alimuñwi mi yomuñwi a shwa. Josefa, fa ha li mwa tolongo, alimuñwi a piliswa, yomuñwi a lateha.

318 Mi amulemuhe. Mi kasamulaho Jesu amano zwiswa fa sifapahano. A pahamiswa mwa Lihalimu, mi uinzi kwa lizoho la bulyo la Moya omutuna, Jehova. “Hakuna mutu yakona kutaha ku Mulimu konji ka Na.” Hakuna zakuli *Lumela Maria*, hakuna za kuli u fuyozwi *rukete* kamba ufuyozwi wena *ngete*. Kono, ki ka Jesu Kreste, “Yena muyemeli anosi feela yaliteni mwahala Mulimu ni batu,” ili ona mubili o petehile wana yahile ku ona Mulimu, mwahala luna, o no lwezi Libizo la Mulimu. Mi Mulimu anga libizo la butu. Mulimu anga . . .

319 Amutalime faa. Kwa simuluhu, fani Adama . . . Ha ni koni kusiya fela zeo. Kubonahala kuli kuna ni ya sa Li utwisisi hande, kokuñwi. Amutalime. Kwa simuluhu . . . Haluboneñi ni mi bonise nto yeñwi hape. Moya o Kenile u ni lemusa kuli ni eze se. Ni siya tuto yaka fa muzuzu fela. Makande a pili ha taha kwa Kanya, kuli mwana na latehile, Adam, kana Mulimu na lumile Lingeloi nji? Kikuli Na lumile mwana nji? Kikuli Na lumile mutu usili fela nji? Na tile, yena Kasibili, ku to liulula mwana Hae ya latehile. Haleluya! Mulimu na si ka sepa mutu usili kwanda Yena anosi. Mulimu a ezwa nama mi apila mwahala luna, mi a pilisa mutu, Yena kasibili. Ki . . . “Lu pilisizwe,” Bibebe ibulezi kuli, “ka Mali a Mulimu.” Mulimu wa nama, Mulimu nali . . . Mulimu wa moya na ezizwe mwa nama, kuli akone kutala sibi, kuli abe Ngunyana, Yena kasibili; kuli akene mwa Kanya, aipata, mi ka Mali a Hae Tota fapila Hae, aya kwabuse bwa lisila.

320 Cwale, Josefa, ki yani uya mwa Egepita. Mi kwani a pahamiswa kuzwa mwa tolongo, kuya kwa lizoho la bulyo la

Faro, mi a ezwa mubabaleli wa libyana. Mane lika kaufela za konda mwa mazazi a Josefa.

³²¹ Cwale, foo Jesu ha ka kuta, mane nihaiba lihalaupa li ka melisa lipalisa. Ki yena Mwana wa bufumu, mufuta wa Josefa.

³²² Ba beya Josefa mwa. . . Muzamaisi wa masole na mubeile mwa ndu ya hae; lika kaufela na ezize, na kondisa. Ba mu nepela mwa tolongo, mi tolongo kaufela yabona bunde. Kaufela ze ne ba ezize, za konda. Mi ha sa bubekilwe, ya fahalimu hahulu, ku Faro, bukaufi ni Faro, lika kaufela mwa Egepita za konda fahalimwa lika kaufela mwa lifasi.

³²³ Mi Ha kuta, ikaba naha ya bufumu. Mahalaupa a kale aka tubula lipalisa, mi ku kaba lico kwa libaka kaufela. Mi lwa kona, mutu kaufela, luka ina mwatasi a kota ya feiga ya luna, ni kuseha ni kunyakalala, ni kupila kuyakuile fapila Pata ya Hae, ha Na kuta ka kuba Mulena.

³²⁴ Nali Mwana mutu, Mupolofita. Amen. Nali Mwana mutu, Sitabelo, Muprisita. Ki yena Mwana mutu, kakuba Mulena, ki Mwana Davida yainzi fa lubona lwa bulena bwa Hae. Mwana mutu, Yena ki mu- . . . Mulimu na iponahalize kakuba Mwana mutu. A taha fafasi mi aba mutu, kuli a takule libi za lifasi. Mi aba mutu, sina Mupolofita. Na bile mutu, ali sina Muprisita. Na bile mutu, sina Mulena; Mulena wa Lihalimu, Mulena wa ba bakenile, ki Mulena wa Kuyakuile; kamita ki Mulena, kamita ukaba Mulena, Mulena wa Kuyakuile.

³²⁵ Cwale mulemuhe, kanti, Josefa. Josefa a si ka zwela kale kwande, neba na ni kuliza tolombita, pili. Mi batu ne ba huwa kuli, “Amu kubame ka mañwele kiyo Josefa.” Hakuna taba kamba mutu naeza sikamañi, haiba na lekisa lika mwa mukwakwa, ha ne kulila tolombita yani, na kubama ka mañwele. Mutu yana libelela kunga masheleñi a hae, kono na kubama ka liñwele, Josefa hana taha. Oh! Bona- . . . ba—ba—bani ne ba itukiseza kunga kezo ya bona, ni sa na eza? Nana ni kuyema. “Josefa ki yo wa taha.” Tolombita ne iliziwa.

³²⁶ Leliñwi la mazazi aa, lika kaufela, nako ya manzibwana, uka yema a kuzize. “Mi tolombita ya Mulimu ha ika lila, mi baba shwezi ku Krete ba ka zuha, mi kakusasana wa Kuyakuile ha ku pazula, leli benya ni bunde.” Lika kaufela li ka kubama liñwele. “Liñwele kaufela li ka kubama, mi lulimi kaufela lu ka bulela ni kupaka Cwalo.”

Kukala cwale. “Libi za batu babañwi za itahanela kwapili, mi za babañwi litaha mwa mulaho.”

³²⁷ Kono cwale ze ezahalile. Ha ki kanya ni yeo! Mi Josefa cwale. . . kasamulaho amano nyala wa Macaba mi a amuhela lubasi, Efraimi ni Manasse, bana ba hae baba shimani. Kana mu lemuhile mafelelezo? Fani Josefa. . . Jakobo akala kufuyola Efraimi ni Manasse. Ha na beile mazoho a hae, abeya Efraimi kwa silyo, Manasse kwa nzohoto, kuli ange mbuyoti ya kwa

lizoho la silyo aamuhele mbuyoti ya yomuhulu. Kono ha kala kulapela, mazoho a hae a fapahana, mi afa wa mwanana mbuyoti ya lizoho la silyo kufita yani yanali kwa lizoho la silyo.

328 Mi Josefa ali, “Ha ki cwalo, Ndate.” Ali, “U beile mbuyoti ku Manasse kufita kubeya ku Efraimi.”

 Mi ki hali, “Ki Mulimu ya fapahanyize mazoho aka.”

329 Sikamañi? Kuzwa kwa Majuda, ba bahulu, baketwa ba Mulimu bapili, kutaha ka Sifapahano kutahile mbuyoti kukutela ku Bamacaba, ku to nga Munyaliwa. Mbuyoti itahile ka Sifapahano, kuzwa kwa Majuda kutaha ku Bamacaba. Bahanilwe, ba hana Sifapahano, kabakaleo U ikungezi Munyaliwa wa Bamacaba.

330 Cwale Josefa, kusikaba kale se, ha nali. . . ha utwa za bana bahabo, bao. . . Ne ba zwile mwa kutwano ka lilimo zeñata ñata, ba Majuda.

331 Cwale a mubone. Lu kutela ku Zakaria cwale, ko ba ka lila, ni kusilisa ni ku bokolola. Mane nihaiba mabasi aka ikaba mwahala ona, ni kuzwela kwande, bali, “Ne lu li ezize cwani? Ne lu liezize cwani zeo?” Ha ba bulela kuli, “Kikai ko U ngile mañiba ao, mañiba a mwa mazoho a Hao?” mane ni bona bene ba Mu tabile. “U ka taha mwa malu. Mi ba ka Mu bona, mane ni bona baba Mu tabile. Mi ba ndu ni ndu ba ka lila, mi ba ka silisa.” Habana ku ziba za kueza.

332 Mi cwale Josefa. . . Mwa ziba likande. Ha bona bana bahabo yena, mi aeza sina ya sa zibi kubulela Siheberu, mi aba ni mutoloki ya na mu tolokela. Mi na sa buleli Siheberu, u eza inge; kono na bata kubona pili. Mi cwale kwa mafelelezo, zazi leliñwi, ha ba tisa munyana hae, kana mu lemuhile? Ne li Benjamin ya na kataza moyo wa Josefa?

333 Ki sikamañi seo, kacenu, ze ka filikanya moya wa Hae, Josefa wa luna, Jesu? Keleke ye nyinyani yani yeli mwa Iran kwani, ya bulukile litaelo za Mulimu. Mi ki sicaba se si pepilwe ba kacenu kona baba kopanezi mwa Palestine, mi ba kutisezwa mwani hape. Naleli ya maneku a Sikisi ya Davida yani, ndembela ya kale kale mwa lifasi, naha ya pepwa mwa lilimo za mafelelezo nyana. Mwani mwa Isilaele.

 Linaha za ikaba, Isilaele wa zuha,
 Lisupo za Bibeke libulezwi kale;
 Mazazi a Bamacaba a balilwe, mane misima
 ikatilwe;
 Mukutele, haenu Mina, baba latehile.

 Lizazi la Kuliululwa li fakaufi,
 Lipilu za batu za wa ka sabo; (Amutalime
 fateni, kaufela bona se ba bile lipulumuki.)

Mu tazwe ka Moya, lambi ya mina ituke hande,
Mutalime mwahalimu, ku liululwa kwa mina
kufakaufi.

Bapolofita babuhata ba puma, Niti ya Mulimu
ba ilatula,
Kuli Jesu Kreste ki yena Mulimu waluna;
(Kanya! Kono Sinulo itile.)
Konakuli lu ka zamaya fo ku zamaile ba
apositola, (Mwa sibaka sa bona luli.)

Kakuli Lizazi la Kuliululwa li fa kaufi,
Lipilu za batu za ikalelwa ka sabo;
Mu tale ka Moya wa Mulimu, lambi ya mina
ituke hande,
Mutalime mwahalimu, ku liululwa kwa mina
kufakaufi.

³³⁴ Oh! Oh, Josefa, ha bona Benjamin yomunyinyani inza yemi fani! Yani ki munyana hae. Mwa bona Benjamin yomunyinyani . . . ? . . . kwabuse kwani, inge ainzi fani? Masika a—a lifasi, a Majuda, akutela kwani kubaba handeleti ni fofe fo sauzande mwahala bona baba yemi kwani, kuli ba amuhele Kreste ha ba Mu bona Hataha. Ba ka li, “Amubone, yo ki yena Mulimu wa luna Ye lu libelezi nako ye kaufela.” Baka bona yene ba tabile . . . “Bao ba zwile kai?”

Mi ali, “Mwa ndu ya mulikana Ka.”

³³⁵ Mi ba ka silisa ni kulika. Mi lubasi lufi kaufela, masika a bona a Davida ni Nefetalimu ni babañwi kaufela, ba ka ikauhanya ili bona, lubasi lufi ni lufi, mi ba ka lila mwahala bona ha ba Mu bona inza yemi mwa moya, yena Yene ba tabile.

³³⁶ Liñusa la Hae li kaba cwani? Mu talime sa na bulezi Josefa. Ha na bulezi kuli . . .

³³⁷ Amutalime nto yeñwi. Mi Josefa anga bana ba hae fapila hae, aba talimela, abona Benjamin yomunyinyani. A bona Efraimi, abona kaufela bona kwani, baha Gadi ni babañwi kaufela. Ni masika a twelufu, masika a lishumi kwani, inge ba yemi fapila hae. A ba bona kaufela kwani. Na zibile kuli ki mizwale bahabo yena. Mi a talima Benjamin yomunyinyani, ka kutalimana, mumizo wa hae wa kala kunyema. Na zibile beili ba hae. Ki sikamañi sa na bulezi? “Mutu kaufela a pile.” Ki sikamañi se si ezahalile ku musala hae ni bana? Ba kena mwa muleneñi.

³³⁸ Kikai ko ikaya Keleke ya Bamacaba ka nako ya Kuungelwa kwa balumeli? Ki mwa Muleñeni. Munyaliwa, Halleluya, Munyaliwa uka zwiswa mwa lifasi, mwa Kuungelwa. Mi cwale Ha ka kuta, Munyaliwa wa Hae haayo ka nako yasweli ku Itibahaza kwa mizwale ba Hae, ili Majuda, babane ba Mu tabile, bene ba Mu hanile.

339 Kono musala hae ni mulatiwa wa hae, balikani ba hae ba fakaufi hahulu kwani, ba—ba hae luli baba lumilwe ki Mulimu balikani nebali mwa tempele. Mi cwale ha talima, abulela kuli nebali. . . Ne ba sa zibi. Se bali, “Oh, yena mulena yomutuna yoo!” Ba kala kubulelisana, yomuñwi ku yomuñwi, oh, ka likza ze ne ba ezize.

340 Ni lumela kuli ne li Efraimi, kamba isiñi Efraimi, kono Ni libezi kuli neli mañi yani cwale, yana—yana bulezi kuli, “Kihande, ne lu sa lukeli kubulaya munyana luna, Josefa.” Ali, “Mwa bona, lwa yoliswa cwale ka zona.” Rubeni, Rubeni ali, “Ne lu sa lukeli kubulaya munyana luna,” ali, “kakuli, mwa bona, cwale lwa lifiwa ka ze luezie.”

341 Mi Josefa inga yemi fani; ne ba zibi kuli wa utwa Siheberu. Kono na si ziba.

342 Babañwi ba nahana kuli, hakoni kubulela. . . u twisisa ka kubulela mwa malimi, kono Wa ziba zateni kaufela. Eehe, Wa ziba. Mubuso wa Bamacaba utahile ka kubulela ka malimi ni kutoloka, mwa toho ya gauda (toho ya pili) isika wa kale. Ki sikamañi sene si felize lusika lwapili lwa Bamacaba? Neli muñoli wa mushobo o sa zibwi fa limota, mi muuna yomuñwi a utoloka ni ku ba bulelela so no talusa. Li zamaya ka mukwa o swana. Amen. Za kena ni kuzwa ka nzila ye swana.

343 Ne ba hupula kuli na sa utwi malimi a bona one ba bulela, kono na li ziba. Se bali, “Mwabona ze lu patiselize?”

 Mi Josefa abona kuli ne ba swabile ka ze ne ba ezize.

344 Cwale Wa bona manyando a bona ni kuswaba ka ku Mu hana, cwale U sweli ku ikama fa mumizo wa Hae cwale. U fa kaufi ni ku lukulula Keleke ya Hae kuzwa mwa lifasi, a I ise mwa Kanya. Mi akute, ni ku bulelela masika a lifasi kaufela aka silisa.

345 Ki sikamañi se ne ba ezize? Rubeni, kaufela bona, ba kala kulila, mi se bali, “Oh! Oh!” Ba saba mi ba li, “Yo ki yena. Cwale lu ziba kuli lu ipatiselize. Cwale uka lu bulaya. Cwale uka. . . Lu ziba kuli lu ka bulaiwa ona fa cwale, kakuli yani ki Josefa yabile kwahule ni luna fa nako yetelele. Yani ki Josefa, munyana luna, cwale lu keni mwa ziezi.”

346 Mi ali, “Musike mwa ikutwa bufosi. Mulimu na ezize cwalo kuli a bukeleze bupilo.”

347 Ki sikamañi sa na ezize Mulimu? Kiñi Majuda ha ne ba hanile Jesu? Neli kuli luna Bamacaba, ili, kuli, sicaba sa Na bizize bakenisa Libizo la Hae, Mulimu u li ezize kuli a bukeleze bupilo bwa Keleke ya Bamacaba, yena Munyaliwa.

348 Masika kaufela bene ba Mu hanile ba ka lila. Ba ka ipata mwa misima, ni mwa macwe, ni libaka zeñwi, bali, “Lupate, mu luwele fahalimu, mina malundu.” Ne ba Li hanile, Yena. Masika a lifasi kaufela a ka lila kabakala Hae. Mi lubasi kaufela mwa Isilaele lu ka kauhana. Mabasi a ka ikaba, loluñwi ku loluñwi,

ni kubulela kuli, “Kiñi ha ne luezize ze cwalo? Ne lu Mu hanile cwani? Ka mukwa ufi? Ki Yani uyemi fani. Ki yani Mulimu Yo lubile lu libelela. Mi ki Yani fani, ni mañiba a limapo mwa mazoho a Hae, mi luezize cwalo.”

349 Ona cwalo kona mo ne ba bulelezi mizwale bani kwa mulaho kwani, ha ba yo kuta ba bulela kuli, “Ki yani Josefa fani, yo ne lu lekisize.”

Mi ali, “Kina Josefa, muzwale wa mina, yo ne mu lekisize mwa Egepita.”

350 “Oh!” Ne ba saba. Mi ne ba silisa ni kulila, ni kumatela ku mañi ni mañi, “Lu ka eza cwani?”

351 Ki hali, “Mu si ke mwa ikutwa bumaswe, kakuli Mulimu ki yena ya ezize zeo kaufela. Mulimu u ni lumile ku itahanela.”

352 Mulimu ubupile batu kaufela; batu ba makuwa, batu ba bansu, batu ba basweu, baba ñandatalukeke, mutu kaufela. Mulimu ubupile mutu ufi kaufela. U bupile Bamacaba, u bupile Mujuda. U bupile kaufela bona. Kaufela bona ki kwa kanya ya Hae. Mi Majuda nebana ni kuhaniwa kuli aikungele Munyaliwa wa Bamacaba.

353 Kona hakuli mwa mifuta ye kaufela. Kabakaleo Munyaliwa wa Bamacaba ni bana ba Hae hamoho ni Yena, ili yona Keleke ye kanya ya pentekota yani ne itapile mwa Mali a Ngunyana, ka mata kaufela a zuho inza pila ku bona, ba ka zuha zazi leliñwi mwa Kuungelwa (mwa nako nyanna, mwa ku kobywa kwa liito) ni kuya ku yo ba Fapila Jesu, ka nako ya Ka kuta (ni ku lukulula lika kaufela) kuli a I tibahaze kwa bana ba habo Yena.

354 Mutalime sa bulela Mañolo fa, ka kukwala. Oh!

Amubone, utaha ka malu; mi liito kaufela li ka mu bona, (cwale usweli kubulela za Kutaha kwa bubeli, ha ki Kuungelwa), ni bona baba mu tabile: . . .

355 Kauhanyo yabu 7, timana ya 1 . . . Kamba, timana yabu 7 ya kauhanyo ya 1.

. . . liito kaufela li ka mu bona, ni baba mu tabile kaufela: ni masika a lifasi kaufela aka lila kabakala hae. Nihakuli cwalo, Amen.

356 Mi U fa pulelo yetuna yani. Yoo ki mañi? Ki mañi Yo ye ba lukela ku yo bata?

Kina Alfa ni Omega, Ki na A ni Z, (A ni Z ya Sigerike, lafabeti ya Sigerike) . . .

357 Likezo 2:36, ki . . . Pitrosi yana ize, “Hakuna libizo leliñwi le li filwe mwatasi Lihalimu leo batu ba ka piliswa ka lona.” Kamba, hakuna, mu Ni swalele; ha ni si ka li bulela hande. U ize, “Ndu ni ndu kaufela ya Isilaele izibe hande, kuli Mulimu uezize yena Jesu yaswana, ye mu kokotezi fa sifapahano, kuba Mulena ni Kreste.”

358 Joani 14:7 ni 12, Tomasi ali, “Mulena, aku lu bonise Ndate, mi ku ka likana ku luna.”

359 Ali, “Ni pilile nako yetelele ni mina, mi ha u si ka ni ziba?” Ali, “Ya boni Na u boni Ndate. Kiñi ha u bulela kuli, ‘Lu bonise Ndate’? Na ni Ndate lu Alimuñwi.”

360 Ne ni bulezi cwalo ku mutu nako yeñwi. Kalibe ali, “Fa muzuzu fela, Bo Branham.” Ali, “Wena ni musala hao mu alimuñwi, hape.”

Se nili, “Kono isiñi mufuta wo.”

Kalibe ali, “Mu ni swalele.”

Se nili, “Kana wa ni bona?”

Ki hali, “Na ku bona.”

Se nili, “Wa mu bona musala ka?”

Mi ali, “Batili.”

361 Se nili, “Konakuli, ki mufuta o shutana nyana. Mi ali, ‘Ha mu Ni bona, mwa mu bona Ndate.’” Kona kuli zeo za felela ona foo.

362 Kacwalo ku Muhalalehi Joani, kamba Joani Wapili 5:7 ku isa fa 8, mina kaufela baba sweli kuñola. Joani Wapili 5:7 ku isa fa 8, Bibeke ibulezi. Mubuleli, yena muuna ya swana yana ñozi Sinulo ye yana mu file Jesu, na ize kuli, “Kuna ni zetaalu ze pakelana mwa Lihalimu: ki Ndate, ni Linzwi (mi Linzwi ki Mwana) . . . ki Ndate, ni Linzwi, ni Moya o Kenile, mi zetaalu ze ki nto iliñwi. Kuna ni zetaalu ze pakelana mwa lifasi: mezi, Mali, ni Moya, mi za lumelelana; ha ki kuli ki iliñwi, kono za lumelelana ku iliñwi.”

363 Ha ukoni kuba ni Ndate kusina kuba ni Mwana. Ha ukoni kuba ni Ndate kamba Mwana kusina kuba ni Moya o Kenile. Kulukile. Kono wakona . . . Ni mezi, Mali, ni Moya, zeo ki likalulo ze lukela kuba mwa Mubili Wo.

364 Hakuna ni kupepwa kwa nama, ki nto mañi yapili ye ezahalanga musali a puluha mbututu? Nto yapili, ki mezi. Nto yabubeli, ki mali. Ki niti yeo? Nto yetatama, ki moya. Mbututu u amuhela bupilo, ukala kubuyela. Mezi, mali, ni moya, zeo kona ze fumanaha mwa kupepwa kwa nama.

365 Hape, Kupepwa kwa nama. Kolobezo ya mezi ka Libizo la Jesu Kreste; kubeiwa ya lukile ka tumelo, kulumela ku Mulena Jesu Kreste. Mezi! Ki ifi yetatama? Mali; kukesiswa, ku tapiswa, ku zwisezwa kwande.

366 Foo ki fona mina sicaba sa Nazarene fo mu palelezwi; muile fela ona foo kihona ha mu si ka zwelapili fahule nyana. Sibyana se si kenisizwe fa aletare, kuitukiseza kusebeliswa, kono hamuyo mwa sebelezo. “Ba fuyozwi,” limbuyoti, “baba ya ni tala ni linyolwa la kuluka, kakuli ba ka kuliswa.” Sibyana si kenisizwe. Yeo ki niti.

367 Zeo liswana sina mwalanjo. Linzwi lelili *mwalanjo* litalusa “kukena, kuluka, ya si ka silafala, ya kenisizwe.” Baba

ketalizoho nebana ni oli, mi baba ketalizoho ne ba sina oli; baba ketalizoho ne ba talizwe, mi babañwi ba siyala fela mwa kukeniswa. “Kana mu amuhezi Moya o Kenile nako *yemu lumela*,” mina ba Baptist, ba Presbyterian?

“Ha lu zibi kuli kuna ni Moya o Kenile kamba cwani.”

“Mi, cwale ne mu kolobelizwe cwani?” Uh-huh.

368 Afeza ku ba beya mazoho, ba amuhela cwale, kasamulaho wa kupiliswa ni ku kekeniswa, ba tazwa ka Moya o Kenile. Kulukile.

369 Mezi, Mali, Moya! Jesu u tezi ku to tapisa ni ku kenisa, ni ku to kenisa Keleke, kuli Akone ku to pila ku yona. Ka Mali a Hae Tota; Na file Mali a Hae a pepilwe ki Mulimu, kuli Akone ku lu kenisa kwa kupepwa kwa foso ya mubili, ni ku lufa kukeniswa, kuba sibyana se si kenile kuli Yena Kasibili atahe ku sona.

370 “Fa nako nyana, lifasi halina ku Ni bona; kono mina mu ka Ni bona kakuli Na,” tulokandina twa mutu, “nikaba ni mina, mane mwahala mina, kuisa kwa mafelelezo a maungulo.” Amen. “Mwahala musipili kaufela, Ni kaba ni mina. Misebezi ye Ni eza mu ka ieza ni mina. Lisupo ze li ka ba latelela baba lumela.” Mulimu mwa Keleke! Oh, mawi! Bumulime! “Kuna ni zetaalu ze pakelana mwa Lihalimu: ki Ndate, Linzwi (Mwana), Moya o Kenile. Zeo ki nto Iliñwi.”

371 Cwale, wa kona kupiliswa u si ka keniswa. Wa kona ku keniswa u si ka amuhela kale Moya o Kenile; luli, wa kona kuba ni moya o kenisizwe, u si ka tazwa ka ona. Kukenisa pilu ya hao, kutapisa pilu ya hao, kusina kutaza mwateni sika. Zeo kona za Na bulezi, “Moya o masila ha u zwile ku mutu, u ka zamaya mwa libaka ze omile. Mi ha u kuta, u fumana ndu ya ona i tanyelizwe kaufela, kipeto wa kena mwateni. Buino bwa mafelelezo a mutu yani bukaba hañata, linako ze sebene, mwa bumaswe kufita mwa na inezi sapili.”

372 Zeo kona ze ne ezahalile ku mina ba Pilgrim Holiness, Nazarene, ni babañwi cwalo. Mu amuhezi. Mi cwale Moya o Kenile ha utaha, mwa kala kubulela ka malimi, ni kufa lisupo ni ze komokisa, mwa li biza kuli “ki diabulosi” ni kunyefula misebezi ya Mulimu, mwa li biza kuli “ki nto ye masila.” Mi kana mwabona ko kuile keleke ya mina? Amuzwe ku yena! Hola ki ye, ki Sinulo ya Jesu Kreste ye sweli kulutiwa, Mulimu upatuluzwi mwa mata a liponahazo za Hae za Moya o Kenile. Amen. Lizazi la kuliululwa li fa kaufi.

373 Cwale, Bumulimu ku Yena, Timotea Wapili 3:16.

. . . ki taba ye sa hanyezwi ya kuli kunutu ya bulapeli ki yetuna: kukuli Mulimu u bonahezi mwa nama, . . . u bonwi ki mangeloi, . . . u lumezwi mwa lifasi, u kambamiselizwe kwa kanya.

374 Oh, ki kuzwelapili fela kuya cwalo ni cwalo ni cwalo. Kono lu kai cwale faa? Kwa mafelelezo a timana ya 8.

375 Busihu bwa kacenu lu kalela fa—fa timana ya 9, Ka *Pono ya Patmosi*. Oh, kuna ni lika zetuna ze bulukezwi luna. Kana mwa Mu lata? [Kopano ili, “Amen.”—Mu.]

Na Mu lata, Na Mu lata
Kakuli U ni latile
Ni kuleka puluzo yaka
Fa kota ya Kalvari.

376 Luli mwa eza cwalo? Kana Mulimu u itibahali Iliyena ku mina, u patuluzwi kuli Ki yena Mwana Mulimu, Jesu Kreste, Mulimu u bonahalile mwa nama, kuli atakule sibi? U sweli kuipatulula ili Yena mwa mazazi a maungulo aa mwa likeleke za Hae, unza Itibahaza ili yena.

377 Cwale, ona lika ze luli ze sweli kuezahala mwa Keleke, mutalime mi mubone, kwa mafelelezo a Liñusa le, kuli haiba Bibe ha ibuleli kuli lika ze li ka ezahala, ona cwalo feela. Mubone haiba ne li si ka ezahala ona cwalo, mwa Lusika lw Maefese, ni lwa Pergamosi, Tiyatira, ni kushetumuka cwalo, mwa lusika kaufela.

378 Li bulezi Luther mwa na ka ezeza, ni Wesley mwa ka na ezeza. Ni ka mo likopano za Pentekota ne li ka kenela mwa Laodesia, buino bwa kuenya feela, kono, mwahala zani kaufela, U ka biza sicaba. Yeo ki niti. Yeo luli ilukile. Lu kwa mafelelezo. Oh, Ni tabile hahulu! Mi, oh, Ni iponi ha ni zwa mwa nzila, mi ni talima balikani ba ka ni lika zeñwi kaufela, ni kubona lifasi mi ni—mi ni sinyeho yeli mwateni, mi ni kunahana kuli Kutaha kwa Mulena ku sutelezi fa kaufi hahulu. Lwa kwa maungulo a lusika.

379 Lipilu za batu za ikalela ka sabo. Kai ni kai, mañi ni mañi, se ku sabisa fa silimba, ka nako kaufela, “Mu itukise kwa kutasezwa mwa moya. A mu nwe *se*, mu nwe *sani*, mi mu zamaele mwa malibela mwani.” Mu ka ipata cwani ku zeo? Hamukoni kuipata ku zeo. Kihande, lika zani li ka kena mwa mubu ka liñokolwa ze mwanda ni mashumi a ketalizoho mwatasi, ka limaili ze mwanda ni mashumi aketalizoho, mwa bukima ku likanelela. Kiñi, buhazo bwateni buka. . . Haiba inata fa, ikona kunyunga Indianapolis kunwelisa mwa mubu. Kiñi, ikona fela ku luba Indianapolis mwa liemba emba, kunata ona mwa Louisville, mwabona, iliñwi ya lindalamiti zani. Kutata kubulela ze bana ni kwanda a zeo.

380 Mi, mutalime, ha mu lukeli ku. . . Mwa ziba, Russia hailukeli kueza cwalo. Cuba yakona kueza cwalo. Sibaka se si likani sifi kaufela, si—si sibaka se si nyinyani fela se si likana ni Alcatraz kwande kwani, sa kona kueza, kuapesa lifasi kaufela. Nto yatani fela yebana ni kueza ki ku ikonga kongamuhoho ni kuhoha muhala ulimuñwi. Ha mu tokwi mpi ni yekana. Mu tokwa fela mufitelezi wa tumelo alimuñwi ku eza cwalo, mwa mazoho a

diabulosi. Yeo ki niti luli. Wa kona kueza, mi kipeto taba yateni kaufela ifelela ona foo. Kipeto ku felile.

³⁸¹ Kono, oh, halu boneñi ni mife nto ye fuyozwi yee. Ha lu bona zeo fa bukaufi hahulu, ha lu bona kuli za kona kuezahala li si ka pazula kale. Muhupule, Keleke ina ni kuya zeo li si ka ezahala kale. Kuungelwa kwa balumeli kwa nga sibaka pili.

³⁸² Cwale, kuli musike mwa kala kulyangana, muhupule, Jesu naize, “Sina mo ne kuinezi mwa mazazi a Nuwe, sina mo ne kuinezi mwa mazazi a Lota.” Muhupule, ku sika nela kale pula, Nuwe na sa keni mwa areka. Mwabona? Nuwe na li mwa areka. Na shimbilwe, mwahala yona. Mi cwale, Nuwe na li mufuta wa Mujuda. Kono Enoke a ngelwa kwa hae kusina kushwa. Mi cwale Nuwe ha bona Enoke haaya, a ziba kuli ne se li nako cwale, akala kukena mwa areka mwani. Yeo ki niti. Sani ne li sisupo sa Nuwe, fani Enoke haaya kwa hae. Mi ka nako yeo Keleke ya Bamacaba ha i se ishimbilwe, kona Aka Itibahaza Iliyena kwa Isilaele. Mwabona? Yeo ki niti.

³⁸³ Muhupule, mwa mazazi a Lota, sina Jesu mwa na bulelezi, ku si ka tuka kale mulilo ni o mukana mwa lifasi, Lingeloi lani la li, “Akufa. Kapili. Zwa mwa sibaka se, kakuli Hakuna se ni kona kueza konji pili wena utahе kwanu.” Mulilo ufi kaufela u si ka tuka kale, Lota ni lubasi lwa hae ne ba se bazwile kale. Kacwalo, Kuungelwa kwa balumeli ku ka ezahala Nyandiso isika nata kale.

³⁸⁴ Nyandiso, batu babañata ba lyangananga. Lu ka ba ni zona inge li namile hande, biki yee, haiba Mulena alata, ka tuso ya Mulena. Muhupule, mu libelezi Nako ya Nydansiso yetuna, yeneli teni, haiba mu ka swanisisa seo kwa Bible, ani neli mazazi a Butata bwa Jakobo, mwa bona, ha na katazehile. Sani ne si sina sa kueza ni Bamacaba. Wa Macaba haana sa kueza ni zeo. Hakuna mufuta mwa Bible wa ze cwalo. Keleke ya Bamacaba i se Ingilwe.

³⁸⁵ Mi mu libelezi “mezi kuli afetuhe mali,” ni lika ze cwalo. Zeo li taha kwa Isilaele hape, kwani ni Mushe ni Elia, ha ba ka kuta. Elia, ka nako yabune, ku kuta hape mwa moya. Hakuna wa bona yana shwile.

³⁸⁶ Kamba, ki. . . Mushe ya na shwile; ne ba sa zibi ko ne ba mu pumbekezi. Na lukela ku hulela kokuñwi mwahala bona ni kwani, kakuli, fa Lilundu la Petuho, nali fateni hape, inza ambola ni Jesu. Nji ne si yena? [Kopano ili, “Amen.”—Mu.] Mwabona?

³⁸⁷ Konakuli ba ka kuta mi ba to bulaiwa, ni ku lobala mwa mukwakwa wo bizwa “Sodoma,” koo Mulena luna na kokotezwi, Jerusalema. Ba ka kutaza kwa Majuda, ni kunata fa lifasi, ni ku kwala mahalimu, ni zeñwi cwalo. Ni mafelelezo a bulumiwa bwa Bamacaba bu ka zwelapili ni kutamahana ni zona, mi Bamacaba ba ka ya kwa hae, mi bulumiwa bwani bu ka fiteleza. Kwani kona

ko ku kaba sinyeho ya lika kaufela. Kalulo yetuna ya lifasi ya wa, ni lika zeñwi kaufela. Foo mibili ye shwile yani inge ilobezi mwa mikwakwa, mazazi a amalalu, mutalime mufuta wateni mo u inezi.

388 Mutalime fa maswaniso aa o Ni fumani kwa South America, ha ba bulaya mulumiwa yani wa Pentekota kwani, musala hae, inge ba lobezi mwa mukwakwa, mi yena ni bana bababeli ba banyinyani. Musizana yomunyinyani, mi mba ya hae yenyinyani inge iluluhile *cwalo*. Ne ba si ka ba pumbeka mane. Ba zamaya fela, ba ba kwela mati ona cwalo, ka mazazi amalalu kamba amane. Muzwale Kopp na napuzi siswaniso. Ni na ni zona kwa ndu, mwabona, kona mo ba ezeza.

389 Mi se ba luma limpo, yomuñwi ku yomuñwi. Mu talime fela mifuta yeo mwa Bibebe, mubone zeo keleke ika eza. Yeo ki niti, fa kaufi luli, ni kukena mwatani inge noha cwale, kuya fela ka butali mo likona kubela, sisupo sa zona zeo cwale.

390 Mutalime fa sipolofita sa na ni file Mulena mwa '33, mo li ka ezeza, “Ba ka lumeleza basali ku kena mwa liketisa. Ka kubota, ba ka keta mutu ya maswe.” Lika ze sebene ze nefilwe, mi ze ketalizoho mwahala zona li ezahalile. Nto yetatama neli musali yomutuna, ki keleke, ili mata kamba nto yeñwi, uka hatelela United States ye kaufela, ku i busa. Mi Na li bona fela mufuse, inge li lobezi fani, kone li to felela kwa mafelelezo. Ne li kwa mafelelezo a nako.

391 Ku izwe, “Ne ba kaba ni mushini o no ka zamisa. Ne ba sa lukeli kuba ni za kukenya mwateñi.” Ne ba li kondisize fela. I bulezi kuli, myaha ye ilebene. . .

392 Moya o Kenile wa ni bulelela. Ki zani liteni mwa mutende. Ha mu koni. . . Ha li koni ku latiwa. Ki zani liteni mwa mutende, sina Moya o Kenile mo no bulezi.

393 Myaha ye ilebene ku si ka yahiwa kale Maginot Line, Na li, “Ba German. . . America ika. . . Mueteleli Roosevelt u kaba sisinyi mwahala bona kaufela.” Mi yeo ki niti. Nali yena.

394 Ha ki ku mi utwisa bumaswe mina ba za Milao, kono Ni—Ni mi bulelela niti. Ha ki ba Democrat kamba Republican cwale. Ki Jesu Kreste, ki Mwana Mulimu, ye lu ambola ka yena. Na ha ni wa Democrat kamba Republican. Ni Mukreste. Kona kuli, bona, kamba neli sikamañi kaufela, kono mulemuhe foo.

395 Mi amu talime fa, ka zazi leliñwi, haiba mubata kubona sikwata sa muicambaeli. Kunga mishini yani ni ku i lukisa, kuli, nako kaufela ha ne muka keta Bo Nixon, muna ni ku botela mutu yo kamba usili, ka nako ye swana. Ed- . . . J. Edgar Hoover a zwisa mishini. Ki ba bakai baba balile zeo? Kiñi, luli, liteni mwa mitende kaufela, makande, ni lika zeñwi kaufela. Mwa bona fo luinzi?

³⁹⁶ Hakuna nto ye sepahala hape kufita Kreste. Amen. Oh, yona Buka ye fuyozwi yani! Kona Cwalo. Ki yona fela Inosi ye ku bulelela yo uli yena, ko u zwelela, ni ko uya (Eeni, sha.), ki yona Buka ye fuyozwi ya kale yee, oh, zeo li eza kuli ni Mu late. Kana ku mina bo? [Kopano ili, “Amen.”—Mu.]

Tumelo ku Ndate, tumelo ku Mwana,
Tumelo ku Moya o Kenile, zetaalu zeo ki nto
Iliñwi;
Madimona a ngangama, mi baezalibi ba zuhe;
Tumelo ku Jehova inyunga lika kaufela.

³⁹⁷ Amen. Ha ki lizazi kwa butuna ni leo kwapili a luna, balikani! “Sinulo ya Jesu Kreste yeo Mulimu na file kwa lingeloi la Hae, mi la to li paka ku Joani, kuli li zibahale mwahala Masika a Likeleke, ili lika ze bulukezwi luna.”

³⁹⁸ Mi Mulena alu fuyole cwale, halunze lu yema. Mi kaufela yasweli kuliza piano, u lufe munembo haiba wa kona, *Unge Libizo La Jesu Ko Uya*.

³⁹⁹ Cwale amuteeleze. Kuna ni, hakuna ku kakanya, kuna ni baenyi mwahala luna mwa tabernakele kakusasana cwana. Ni bata kuli mu swalane mazoho. Mu ba meme, muye ni bona kwa mandu, ni zeñwi kaufela. Mi mu amuhele mutu kaufela. Ni bata kuli mutu kaufela abone kuli wa eza cwalo.

⁴⁰⁰ Mi muhupule sebelezo ika kalisa ka sebene kiloko, busihu boo. Mi ka sebene-seti, Ni ka ambola fa *Pono Ya Patmosi*. Kamuso busihu, haiba Mulena ha lata, Ni ka ambola fa lusika lwa keleke, Efese, lwa Lusika lwa Keleke.

⁴⁰¹ Cwale lu ka opela yakuli *Unge Libizo La Jesu Ko Uya*, pina ya tabernakele ya luna yenyinyani ya kuzwa ka yona. Mi cwale mutu ni mutu aopele cwale. Ku lukile.

Unge Libizo la Jesu ko uya,
Mwana wa manyando ni bumai;
Li ka kufa nyakalalo ni buiketo,
Linge ko u ya kaufela.

Libizo Lelinde, Oh kwa munati!
Sepo ya lifasi ni tabo ya Lihalimu;
Libizo Lelinde, Libizo lelinde, Oh kwa munati!
Sepo ya lifasi ni tabo ya Lihalimu.

⁴⁰² Cwale lu si ka opela kale timaka yetatama, Ni bata kuli ba Methodist, Baptist, Pentekota, Bakatolika, Nazarene, Pilgrim Holiness, ku mina kaufela ba baliteñi, mu swalane mwa mazoho ni yomuñwi yali kwapata a mina, kwa matuko a mina, kwa mulaho wa mina, muli, “Mukreste wa muzamayi, mulikani, Ni tabile kuba ni wena kakusasana cwana. Ki tabo kuba ni wena mwa puteho, kupotoloha lika za Mulimu. Ni ziba kuli lubile ni nako yende. Ni sepa ku mi bona mo hape busihu kacenu.” Nto

yeñwi ye cwalo, hamunze mu swalana mwa mazoho cwalo, kwa pata a mina, kwa mulaho wa mina, kai kaufela ku mina.

Ka Libizo la Jesu lwa kubama,

Luka mi bona busihu, Muzwale Neville. Ni ka kubona busihu.

. . . mahutu,

Mulena wa malena, mwa Lihalimu, lu ka Mu
apesa mushukwe,
Musipili wa luna ha ufela.

Oh Libizo lelinde, Oh kwa munati!
Sepo ya lifasi ni tabo ya Lihalimu;
Libizo Lelinde, Oh kwa munati!
Sepo ya lifasi ni tabo ya Lihalimu.

Kufitela lu kopana! kufitela lu kopana!
Kufitela lu kopana kwa mahutu a Jesu;
(kufitela lu kopana,)

Kufitela lu kopana! kufitela lu kopana!
Mulimu abe ni mina kufitela lu kopana hape!

Cwale halunze lu inamisa litoho za luna:

Kufitela lu kopana hape! kufitela lu kopana
hape!



SINULO YA JESU KRESTE LOZ60-1204M

(The Revelation Of Jesus Christ)

MUKOLOKO WAZA SINULO YA JESU KRESTE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Nulule 4, 1960, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org